

詞範

葉恭綽署




國立中央教育館 惠存
開明書店收贈

詞

範

葉恭綽著



3 0610 4688 8

凡例

一、本編甄選各詞，以典雅平易爲準。凡過於僻澀之調，或流於庸濫之作，概不入錄。

一、本編次序，以字數多寡爲後先。字數相同者，則視作者時代。

一、本編讀法，凡逗用點、識之。凡句用圓點，識之。凡韻用圈，識之。

一、本編所選各調，以格律較寬者列卷上，格律較嚴者列卷下。但楊柳枝、生查子、浣溪沙、木蘭花諸調，格律雖寬，實不易工，姑列卷下，以示例外。

詞範目錄

卷上

憶江南	六	一
長相思	六	二
昭君怨	二	三
點絳脣	六	四
菩薩蠻	十三	五
采桑子	五	九
減字木蘭花	三	〇
卜算子	三	一
謁金門	六	二

好事近	四	一三
清平樂	七	一四
憶秦娥	四	一六
阮郎歸	四	一七
浣溪沙	二	一八
人月圓	二	一九
柳梢青	二	一九
少年游	二	二〇
南歌子	七	二〇
醉花陰	二二
浪淘沙	二	二二

鷓鴣天	九	二一三
虞美人	四	二一五
南鄉子	四	二一七
臨江仙	七	二一八
踏莎行	七	二二〇
蝶戀花	八	二二二
唐多令	二	二二五
漁家傲	三	二二六
蘇幕遮		二二七
定風波	三	二二七
感皇恩	二	二二八

青玉案	三	三九
江城子	六	四〇
風入松	二	四二
御街行	二	四三
祝英臺近		四四
驀山溪	二	四四
洞仙歌		四五
滿江紅	五	四五
水調歌頭	二	四七
滿庭芳	六	四八
燭影搖紅	二	五一

八聲甘州	五
暗香	五四
高陽臺	五五
念奴嬌	五六
木蘭花慢	五八
水龍吟	六〇
齊天樂	六二
綺羅香	六四
望海潮	六五
風流子	六七
疏影	六七

小梅花^三.....六八

沁園春^二.....七〇

賀新郎^六.....七一

摸魚兒^三.....七三

鶯啼序.....七五

卷下

楊柳枝^六.....一

法駕導引^三.....二

歸國謠^三.....二

望梅花^二.....三

生查子^八.....四

浣溪沙	八
巫山一段雲	十
更漏子	五
河瀆神	四
河傳	四
木蘭花	十二
夜游宮	二
淡黃柳	一
三萼子	一
西施	一
離亭燕	一

詞 範 目 錄

八

河滿子	二〇〇
鬪百花	二〇〇
八六子	二〇〇
卜算子	二〇一
芳草渡	二〇一
采蓮令	二〇一
玉京秋	二〇二
淒涼犯	二〇二
雪梅香	二〇三
六么令	二〇四
玉漏遲	二〇四

鳳凰臺上憶吹簫	二五
天香	二五
帝臺春	二五
聲聲慢	二六
長亭怨慢	二六
迷神引	二七
卜算子慢	二八
應天長	二八
揚州慢	二九
雙雙燕	三〇
鳳簫吟	三〇

玉胡蝶	三二一
瑣窗寒	三二一
秋宵吟	三二一
月下笛	三二一
解語花	三三三
湘月	三三三
琵琶仙	三四
滿朝歡	三四
桂枝香	三五
霓裳中序第一	三五
翠樓吟	三六

雨霖鈴	三七
石州慢二	三七
宴清都	三八
氏州第一	三八
拜星月慢	三九
花犯	三九
瑤華	四〇
瑞鶴仙三	四〇
雙聲子	四二
安平樂慢	四二
還京樂	四三

青房並蒂蓮·····	四三
曲游春·····	四四
歸朝歡·····	四四
傾杯·····	四五
二郎神·····	四五
綺寮怨·····	四六
望南雲慢·····	四六
春從天上來·····	四六
曲玉管·····	四七
西河二·····	四七
尉遲杯·····	四八

秋霽	四九
青門飲	二 四九
安公子	五〇
解連環	五一
夜飛鵲	五一
惜黃花慢	五一
一萼紅	五二
奪錦標	五三
過秦樓	二 五三
蘇武慢	五四
蘭陵王	二 五四

詞 範 目 錄

一四

瑞龍吟	五五
大酺	五六
浪淘沙慢	五七
綠頭鴨	五七
多麗	五八
六醜	五八
六州歌頭二	五九
夜半樂	六〇
戚氏	六〇

詞範卷上

憶江南

熈為楊易霖雨蒼選

白居易



江南好。風景舊曾諳。日出江花紅似火。春來江水綠如藍。能不憶江南。
江南憶。最憶是杭州。山寺月中尋桂子。郡亭枕上看潮頭。何日更重遊。
江南憶。其次憶吳宮。吳酒一杯春竹葉。吳娃雙舞醉芙蓉。早晚復相逢。

又

溫庭筠

梳洗罷。獨倚望江樓。過盡千帆皆不是。斜暉脈脈水悠悠。腸斷白蘋洲。

又

皇甫松

樓上寢。殘月下簾旌。夢見秣陵惆悵事。桃花柳絮滿江城。雙鬢坐吹笙。

又

李煜

詞

範

卷上

一

多少恨。昨夜夢魂中。還似舊時遊上苑。車如流水馬如龍。花月正春風。

長相思

白居易

深畫眉。淺畫眉。蟬鬢鬢鬆雲滿衣。陽臺行雨回。巫山高。巫山低。暮雨瀟瀟郎不歸。空房獨守時。

又

汴水流。泗水流。流到瓜州古渡頭。吳山點點愁。思悠悠。恨悠悠。恨到歸時方始休。月明人倚樓。

又

李煜

一重山。兩重山。山遠天高煙水寒。相思楓葉丹。菊花開。菊花殘。塞雁高飛人未還。一簾風月閒。

又

馮延巳

紅滿枝。綠滿枝。宿雨厭厭睡起遲。閒庭花影移。
憶歸期。數歸期。夢見雖多相見稀。相逢知幾時。

又雨

万俟詠

一聲聲。一更更。窗外芭蕉窗裏燈。此時無限情。
夢難成。恨難平。不道愁人不喜聽。空階滴到明。

又

呂本中

要相忘。不相忘。玉樹郎君月豔郎。幾回曾斷腸。
欲下牀。卻上牀。上得牀來思故鄉。北風吹夢長。

昭君怨 金山送柳子玉

蘇軾

誰作桓伊三弄。驚破綠窗幽夢。新月與愁煙。滿江天。
欲去又還不去。明日落花飛絮。飛絮送行舟。水東流。

又

春到南樓雪盡。驚動燈期花信。小雨一番寒。倚闌干。
重煙水。何處是京華。暮雲遮。

萬俟詠

莫把闌干頻倚。一望幾

點絳脣

病起厭厭。庭前花影添憔悴。亂紅飄砌。滴盡珍珠淚。
愁無際。武陵凝睇。人遠波空翠。

韓 琦

惆悵春時。誰向花前醉。

又

醉漾輕舟。信流引到花深處。塵緣相誤。無計花間住。
山無數。亂紅如雨。不記來時路。

秦 觀

煙水茫茫。回首斜陽暮。

又

紅杏飄香。柳含煙翠拖金縷。水邊朱戶。門掩黃昏雨。

賀 鑄

燭影搖紅。一枕傷情緒。

歸不去。秦樓何處。芳草迷歸路。

又丁未冬過吳松作

姜夔

雁燕無心。太湖西畔隨雲去。數峰清苦。商略黃昏雨。

第四橋邊。擬共天隨住。

今何許。憑闌懷古。殘柳參差舞。

又長安中作

元好問

沙際春歸。綠窗猶唱留春住。問春何處。花落鶯無語。

渺渺吟懷。漠漠煙中樹。

西樓暮。一簾疏雨。夢裏尋春去。

又

曾允元

一夜東風。枕邊吹散愁多少。數聲啼鳥。夢轉紗窗曉。

來是春初。去是春將老。

長亭道。一般芳草。只有歸時好。

菩薩蠻

李白

平林漠漠煙如織。寒山一帶傷心碧。暝色入高樓。有人樓上愁。
玉階空竚立。宿鳥歸飛急。何處是歸程。長亭更短亭。

又

溫庭筠

小山重疊金明滅。鬢雲欲度香腮雪。懶起畫蛾眉。弄妝梳洗遲。
照花前後鏡。花面交相映。新帖繡羅襦。雙雙金鷓鴣。

玉樓明月長相憶。柳絲裊娜春無力。門外草萋萋。送君聞馬嘶。
畫羅金翡翠。香燭銷成淚。花落子規啼。綠窗殘夢迷。

滿宮明月梨花白。故人萬里關山隔。金雁一雙飛。淚痕沾繡衣。
小園芳草綠。家住越溪曲。楊柳色依依。燕歸君不歸。

又

韋 莊

紅樓別夜堪惆悵。香燈半捲流蘇帳。殘月出門時。美人 and 淚辭。
琵琶金翠羽。

絃上黃鶯語。勸我早歸家。綠窗人似花。

人人盡說江南好。遊人只合江南老。春水碧於天。畫船聽雨眠。鎮邊人似月。皓腕凝霜雪。未老莫還鄉。還鄉須斷腸。

如今却憶江南樂。當時年少春衫薄。騎馬倚斜橋。滿樓紅袖招。翠屏金屈曲。醉入花叢宿。此度見花枝。白頭誓不歸。

又

李珣

迴塘風起。波紋細。刺桐花裏門斜閉。殘日照平蕪。雙雙飛鷓鴣。征帆何處客。相見還相隔。不語欲魂銷。望中煙水遙。

又

馮延巳

梅花吹入誰家笛。行雲半夜凝空碧。欹枕不成眠。關山人未還。聲隨幽怨絕。空斷澄霜月。月影下重檐。輕風花滿簾。

詞

範

卷上

七

又

晏幾道

哀箏一弄湘江曲。聲聲寫盡湘波綠。纖指十三絃。細將幽恨傳。當筵秋水慢。玉柱斜飛雁。彈到斷腸時。春山眉黛低。

又

陳克

赤闌橋盡香街直。籠街細柳嬌無力。金碧上晴空。花晴簾影紅。黃衫飛白馬。日日青樓下。醉眼不逢人。午香吹暗塵。

又

綠蕪牆繞青苔院。中庭日淡芭蕉捲。胡蝶上階飛。烘簾自在垂。玉鉤雙語燕。寶鬢楊花轉。幾處簸錢聲。綠窗春睡輕。

又 書江西造口壁

辛棄疾

鬱孤臺下清江水。中間多少行人淚。西北是長安。可憐無數山。青山遮不住。

畢竟東流去。江晚正愁余。山深聞鷓鴣。

采桑子

馮延巳

小庭雨過春將盡。片片花飛。獨折殘枝。不語憑闌只自知。

玉堂香暖珠簾捲。

雙燕歸來。舊約難期。肯信韶華得幾時。

又

馬嘶人語春風岸。芳草絲絲。楊柳橋邊。落日高樓酒旆懸。

舊愁新恨知多少。

目斷遙天。獨立花前。更聽笙歌滿畫船。

又

歐陽修

羣芳過後西湖好。狼藉殘紅。飛絮濛濛。垂柳闌干盡日風。

笙歌散盡游人去。

始覺春空。垂下簾櫳。雙燕歸來細雨中。

又和清真詠梅

方千里

詞

範

卷上

九

凌波臺畔花如翦。幾點吳霜。煙淡雲黃。東閣何人見晚妝。
江南春近書千里。誰寄清香。別墅橫塘。鼓角聲中又夕陽。

又

朱 藻

幃泥油壁人歸後。滿院花陰。樓影沈沈。中有傷春一片心。
閒穿綠樹尋梅子。斜日籠明。團扇風輕。一徑楊花不避人。

減字木蘭花

歐陽修

留春不住。燕老鶯慵無覓處。說似殘春。一老應無卻少人。
風和月好。辦得黃金須買笑。愛惜芳時。莫待無花空折枝。

又

王安國

畫橋流水。雨溼落紅飛不起。月破黃昏。簾裏餘香馬上聞。
徘徊不語。今夜夢魂何處去。不似垂楊。猶解飛花入洞房。

又

西樓明月掩映梨花千樹雪。樓上人歸。愁聽孤城一雁飛。
南春色暮。芳信難尋。去後桃花流水深。

魏夫人

玉人何處。又見江

卜算子

黃州定惠院寓居作

蘇軾

缺月挂疏桐。漏斷人初靜。誰見幽人獨往來。縹緲孤鴻影。
無人省。揀盡寒枝不肯棲。寂寞沙洲冷。

驚起卻回頭。有恨

又

送鮑浩然之湘東

王觀

水是眼波橫。山是眉峰聚。欲問行人去那邊。眉眼盈盈處。
君歸去。若到江南趕上春。千萬和春住。

才始送春歸。又送

又

李之儀

我住長江頭。君住長江尾。日日思君不見君。共飲長江水。

此水幾時休。此恨

詞

範

卷上

一一

何時已。只願君心似我心。定不負相思意。

謁金門

韋 莊

春漏促。金燼暗挑殘燭。一夜簾前風撼竹。夢魂相斷續。
有箇嬌饒如玉。夜夜
繡屏孤宿。閒抱琵琶尋舊曲。遠山眉黛綠。
空相憶。無計得傳消息。天上常娥人不識。寄書何處覓。
新睡覺來無力。不忍
把君書跡。滿院落花春寂寂。斷腸芳草碧。

又

馮延巳

風乍起。吹皺一池春水。閒引鴛鴦花徑裏。手按紅杏蕊。
鬪鴨闌干獨倚。碧玉
瓏璫斜墜。終日望君君不至。舉頭聞鵲喜。

又

陳 克

愁脈脈。目斷江南江北。煙樹重重芳信隔。小樓山幾尺。
細草孤雲斜日。一晌

弄晴天色。簾外落花飛不得。東風無氣力。
花滿院。飛去飛來雙燕。紅雨入簾寒不捲。曉屏山六扇。
翠袖玉笙淒斷。脈脈
兩蛾愁淺。消息不知郎近遠。一春長夢見。

又

朱淑貞

春已半。觸目此情無限。十二闌干閒倚徧。愁來天不管。
好是風和日暖。輸與
鶯鶯燕燕。滿院落花簾不捲。斷腸芳草遠。

好事近

漁父

朱敦儒

搖首出紅塵。醒醉更無時節。生計綠蓑青笠。慣披霜衝雪。
晚來風定釣絲閒。
上下是新月。千里水天一色。看孤鴻明滅。
漁父長生來。只共釣竿相識。隨意轉船回棹。似飛空無迹。
蘆花開落任浮生。
長醉是良策。昨夜一江風雨。都不曾聽得。

詞

範

卷

上

三

失卻故山雲。索手指空爲客。尊茶鱸魚留我住，鴛鴦湖側。
偶然添酒舊葫蘆。
小醉度朝夕。吹笛月波樓下，有何人相識。

又

蔣子雲

葉暗乳鴉啼。風定老紅猶落。胡蝶不隨春去入，薰風池閣。
休歌金縷勸金卮。
酒病煞如昨。簾捲日長人靜，任楊花飄泊。

清平樂

李 白

煙深水闊。音信無由達。惟有碧天雲外月。偏照懸懸離別。
盡日減事傷懷。愁
眉似鎖難開。夜夜長留半被，待君魂夢歸來。

又

溫庭筠

洛陽愁絕。楊柳花飄雪。終日行人爭攀折。橋下水流嗚咽。
上馬爭勸離觴。南
浦鶯聲斷腸。愁殺平原年少，迴首揮淚千行。

又

別來春半。觸目愁腸斷。砌下落梅如雪亂。拂了一身還滿。遙歸夢難成。離恨恰如春草。更行更遠還生。

李煜

鴈來音信無憑。路

又

紅牋小字。說盡平生意。鴻雁在雲魚在水。惆悵此情難寄。山恰對簾鉤。人面不知何處。綠波依舊東流。

晏殊

斜陽獨倚西樓。遙

又

金風細細。葉葉梧桐墜。綠酒初嘗人易醉。一枕小窗濃睡。陽卻照闌干。雙燕欲歸時節。銀屏昨夜微寒。

紫薇朱槿花殘。斜

又

留人不住。醉解蘭舟去。一櫂碧濤春水路。過盡曉鶯啼處。

晏幾道

渡頭楊柳青青。枝

詩

範

卷上

一五

枝葉離情。此後錦書休寄。畫樓雲雨無憑。

又

黃庭堅

春歸何處。寂寞無行路。若有人知春去處。喚取歸來同住。春無蹤迹誰知。除非問取黃鸝。百轉無人能解。因風飛過薔薇。

憶秦娥

李白

簫聲咽。秦娥夢斷秦樓月。秦樓月。年年柳色，霸陵傷別。樂遊原上清秋節。咸陽古道音塵絕。音塵絕。西風殘照，漢家陵闕。

又

曾 覲

風蕭瑟。邯鄲古道傷行客。傷行客。繁華一瞬，不堪思憶。叢臺歌舞無消息。金尊玉管空陳迹。空陳迹。連天衰草，暮雲凝碧。

又

范成大

樓陰缺。闌干影臥東廂月。東廂月。一天風露。杏花如雪。隔烟催漏金虬咽。羅幃黯淡燈花結。燈花結。片時春夢。江南天闊。

又

黃機

秋蕭索。梧桐落盡西風惡。西風惡。數聲新雁。數聲殘角。離愁不管人飄泊。年年辜負黃花約。黃花約。幾重庭院。幾重簾幕。

阮郎歸

馮延巳

南園春半踏青時。風和聞馬嘶。青梅如豆柳如絲。日長胡蝶飛。花露重。草煙低。人家簾幕垂。鞦韆慵困解羅衣。畫梁雙燕歸。

又

晏幾道

舊香殘粉似當初。人情恨不如。一春猶有數行書。秋來書更疏。衾鳳冷。枕鴛孤。愁腸待酒舒。夢魂縱有也成虛。那堪和夢無。

又

天邊金掌露成霜。雲隨雁字長。綠杯紅袖趁重陽。人情似故鄉。蘭佩紫，菊簪黃。殷勤理舊狂。欲將沈醉換悲涼。清歌莫斷腸。

又 客中見梅

趙長卿

年年爲客徧天涯。夢遲歸路賒。無端星月浸窗紗。一枝寒影斜。腸未斷，鬢先華。新來瘦轉加。角聲吹徹小梅花。夜長人憶家。

浣溪沙

李璟

菡萏香消翠葉殘。西風愁起綠波間。還與韶光共憔悴。不堪看。細雨夢回雞塞遠。小樓吹徹玉笙寒。多少淚珠何限恨。倚闌干。

又

李璟

手捲真珠上玉鉤。依前春恨鎖重樓。風裏落花誰是主。思悠悠。青鳥不傳雲

外信。丁香空結雨中愁。回首綠波三峽暮。接天流。

人月圓

吳激

南朝千古傷心事。還唱後庭花。舊時王謝。堂前燕子。飛向誰家。恍然一夢。天姿勝雪。宮鬢堆鴉。江州司馬。青衫淚溼。同是天涯。

又

元好問

玄都觀裏桃千樹。花落水空流。憑君莫問。清涇濁渭。去馬來牛。謝公扶病。羊曇揮淚。一醉都休。古今幾度。生存華屋。零落山丘。

柳梢青

蔡伸

數聲鶉鴉。可憐又是春歸時節。滿院東風。海棠鋪繡。梨花飄雪。丁香露泣殘枝。算未比、愁腸寸結。自是休文。多情多感。不干風月。

又

張元幹

海山浮碧。細風絲雨。新愁如織。慵試春衫。不禁宿酒。天涯寒食。歸期莫數芳
辰。誤幾度、回廊夜色。入戶飛花。隔簾雙燕。有誰知得。

少年游

柳 永

長安古道馬遲遲。高柳亂蟬嘶。夕陽島外。秋風原上。目斷四天垂。歸雲一去
無蹤迹。何處是前期。狎興生疏。酒徒蕭索。不似去年時。

又

周邦彥

檐牙縹緲小倡樓。涼月挂銀鉤。聒席聲歌。透簾燈火。風景似揚州。當時面色
欺春雪。曾伴美人游。今日重來。更無人問。獨自倚闌愁。

南歌子

歐陽修

鳳髻金泥帶。龍紋玉掌梳。去來窗下笑相扶。愛道畫眉深淺入時無。弄筆偎
人久。描花試手初。等閒妨了繡工夫。笑問鴛鴦兩字怎生書。

又

蘇軾

山與歌眉斂。波同醉眼流。遊人都上十三樓。不羨竹西歌吹古揚州。菰黍連
昌歎。瓊彝倒玉舟。誰家水調唱歌頭。聲繞碧山飛去晚雲留。

又

田為

夢怕愁時斷。春從醉裏回。淒涼懷抱向誰開。些子清明時候被鶯催。柳外都
成絮。闌邊半是苔。多情簾燕獨徘徊。依舊滿身花雨又歸來。

又

團玉梅梢重。雪羅菱扇低。簾風不動蝶交飛。一樣綠陰庭院鎖斜暉。對日懷
歌扇。因風念舞衣。何須惆悵惜芳菲。拚卻一年憔悴待春歸。

又

李祁

嫋嫋秋風起。蕭蕭敗葉聲。岳陽樓上聽哀箏。樓下淒涼江月爲誰明。霧雨沈

詞

範

卷上

一一一

雲夢煙波渺洞庭。可憐無處問湘靈。只有無情江水繞孤城。

又

蔡伸

蕭寺疏鐘斷。虛堂夜氣清。涼蟾偏向水窗明。露井碧梧寒葉顫秋聲。幽恨人誰問。孤衾淚獨橫。此時風月此時情。擬倩藍橋歸夢見雲英。

又道中直重九

趙長卿

此日知何日。他鄉憶故鄉。亂山深處過重陽。走馬吹花無復少年狂。黃菊擎枝重。紅茱溼露香。扁舟隨雁過瀟湘。遙想萊庭應恨不同觴。

醉花陰

李清照

薄霧濃雲愁永晝。瑞腦消金獸。佳節又重陽。玉枕紗廚。半夜涼初透。東籬把酒黃昏後。有暗香盈袖。莫道不消魂。簾捲西風。人比黃花瘦。

浪淘沙

李煜

簾外雨潺潺。春意闌珊。羅衾不耐五更寒。夢裏不知身是客。一晌貪歡。獨自
莫憑闌。無限江山。別時容易見時難。流水落花春去也。天上人間。

又

歐陽修

把酒祝東風。且共從容。垂楊紫陌洛城東。總是當時攜手處。游徧芳叢。聚散
苦怱怱。此恨無窮。今年花勝去年紅。可惜明年花更好。知與誰同。

鷓鴣天

晏幾道

彩袖殷勤捧玉鍾。當年拚卻醉顏紅。舞低楊柳樓心月。歌盡桃花扇底風。從
別後。憶相逢。幾回魂夢與君同。今宵賸把銀釭照。猶恐相逢是夢中。

又

醉拍春衫惜舊香。天將離恨惱疏狂。年年陌上生秋草。日日樓中到夕陽。雲
渺渺。水茫茫。征人歸路許多長。相思本是無憑語。莫向花牋費淚行。

詞

範

卷

上

二二三

又

周紫芝

一點殘釭欲盡時。乍涼秋氣滿屏幃。梧桐葉上三更雨。葉葉聲聲是別離。調
寶瑟。撥金猊。那時同唱鷓鴣詞。如今風雨西樓夜。不聽清歌也淚垂。

又元夕有所夢

姜夔

肥水東流無盡期。當初不合重相思。夢中未比丹青見。暗裏忽驚山鳥啼。春
未綠。鬢先絲。人間別久不成悲。誰教歲歲紅蓮夜。兩處沈吟各自知。

又

聶勝瓊

玉慘花愁出鳳城。蓮花樓下柳青青。尊前一唱陽關曲。別箇人人第五程。尋
好夢。夢難成。有誰知我此時情。枕邊淚共階前雨。隔箇窗兒滴到明。

又隆德故宮同希顏欽叔知幾諸人賦

元好問

臨錦堂前春水波。蘭皋亭下落梅多。三山宮闕空瀛海。萬里風埃暗綺羅。雲

子酒。雪兒歌。留連風月共婆娑。人間更有傷心處。奈得劉伶醉後何。

又蓮

瘦綠愁紅倚暮煙。露華涼冷月嬋娟。含情脈脈知誰怨。顧影依依定自憐。風
送雨。水連天。淩波無夢夜如年。何時北渚亭邊月。狼藉秋香拂畫船。

又

候館燈昏雨送涼。小樓人靜月侵牀。多情卻被無情惱。今夜還如昨夜長。金
屋煖。玉鑪香。春風都屬富家郎。西園何限相思樹。辛苦梅花候海棠。

又

顏色如花畫不成。命如葉薄可憐生。浮萍自合無根蒂。楊柳誰教管送迎。雲
聚散。月虧盈。海枯石爛古今情。鴛鴦隻影江南岸。腸斷枯荷夜雨聲。

虞美人

李煜

春花秋月何時了。往事知多少。小樓昨夜又東風。故國不堪回首月明中。雕
闌玉砌應猶在。只是朱顏改。問君還有幾多愁。恰似一江春水向東流。

又

晏幾道

曲闌干外天如水。昨夜還曾倚。初將明月比佳期。長向月圓時候望人歸。羅
衣著破前香在。舊意誰教改。一春離恨懶調絃。猶有兩行閒淚寶箏前。

又

舒 亶

芙蓉落盡天涵水。日暮滄波起。背飛雙燕貼雲寒。獨向小樓東畔倚闌看。浮
生只合尊前老。雪滿長安道。故人早晚上高臺。寄我江南春色一枝梅。

又 雨後同幹譽才卿置酒來禽花下作

葉夢得

落花已作風前舞。又送黃昏雨。曉來庭院半殘紅。惟有游絲千丈嫋晴空。殷
勤花下同攜手。更盡杯中酒。美人不用斂蛾眉。我亦多情無奈酒闌時。

南鄉子 送述古

蘇軾

回首亂山橫。不見居人只見城。誰似臨平山上塔。亭亭。迎客西來送客行。歸路晚風清。一枕初寒夢不成。今夜殘燈斜照處。熒熒。秋雨晴時淚不晴。

又 集句

蘇軾

何處倚闌干。杜牧絃管高樓月正圓。杜牧胡蝶夢中家萬里。崔塗依然老去愁

來強自寬。杜甫明鏡借紅顏。李商隱須著人間比夢閒。韓愈蠟燭半籠金翡翠

翠。李商隱更闌。繡被焚香獨自眠。李商隱

又

周邦彥

寒夜夢初醒。行盡江南萬里程。早是愁來無會處。時聽。敗葉相傳細雨聲。書信也無憑。萬事由他別後情。誰信歸來須及早。長亭。短帽輕衫走馬迎。

又 題南劍州妓館

潘枋

生怕倚闌干。閣下溪聲閣外山。惟有舊時山共水。依然。暮雨朝雲去不還。應是躡飛鸞。月下時時整佩環。月又漸低霜又下。更闌。折得梅花獨自看。

臨江仙

鹿虔扈

金鑰重門荒苑靜。綺窗愁對秋空。翠華一去寂無蹤。玉樓歌吹。聲斷已隨風。煙月不知人事改。夜闌還照深宮。藕花相向野塘中。暗傷亡國。清露泣香紅。

又

閻 選

十二高峰天外寒。竹稍輕拂仙壇。寶衣行雨在雲端。畫簾深殿。香霧冷風殘。欲問楚王何處去。翠屏猶掩金鸞。猿啼明月照空灘。孤舟行客。驚夢亦艱難。

又

歐陽修

柳外輕雷池上雨。雨聲滴碎荷聲。小樓西角斷虹明。闌干倚處。待得月華生。燕子飛來窺畫棟。玉鉤垂下簾旌。涼波不動篔簹紋平。水精雙枕。旁有墮釵橫。

又

晏幾道

夢後樓臺高鎖。酒醒簾幕低垂。去年春恨卻來時。落花人獨立。微雨燕雙飛。記得小蘋初見。兩重心字羅衣。琵琶絃上說相思。當時明月在。曾照彩雲歸。

又

陳與義

高詠楚詞酬午日。天涯節序怱怱。榴花不似舞裙紅。無人知此意。歌罷滿簾風。萬事一身傷老矣。戍葵凝笑牆東。酒杯深淺去年同。試澆橋下水。今夕到湘中。

又夜登小閣憶洛中舊遊

憶昔午橋橋上飲。坐中多是豪英。長溝流月去無聲。杏花疏影裏。吹笛到天明。二十餘年如一夢。此身雖在堪驚。閒登小閣省新晴。古今多少事。漁唱起三更。

又李輔之在齊州予客濟源輔之有和

元好問

荷葉荷花何處好。大明湖上新秋。紅妝翠蓋木蘭舟。江山如畫裏。人物更風流。
千里故人千里月。三年孤負歡游。一尊白酒寄離愁。殷勤橋下水。幾日到東州。

踏莎行

寇準

春色將闌。鶯聲漸老。紅英落盡青梅小。畫堂人靜雨濛濛。屏山半掩餘香裊。
密約沈沈。離情杳杳。菱花塵滿慵將照。倚樓無語欲銷魂。長空黯淡連芳草。

又

晏殊

祖席離歌。長亭別宴。香塵已隔猶回面。居人匹馬映林嘶。行人去掉依波轉。
畫閣魂消。高樓目斷。斜陽只送平波遠。無窮無盡是離愁。天涯地角尋思徧。
又

小徑紅稀。芳郊綠徧。高臺樹色陰陰見。春風不解禁楊花。濛濛亂撲行人面。
翠葉藏鶯。朱簾隔燕。鑪香靜逐游絲轉。一場愁夢酒醒時。斜陽卻照深深院。

又

碧海無波。瑤臺有路。思量便合雙飛去。當時輕別意中人。山長水遠知何處。
綺席凝塵。香閨掩霧。紅牋小字憑誰附。高樓目盡欲黃昏。梧桐葉上瀟瀟雨。

又

歐陽修

候館梅殘。溪橋柳細。草薰風暖搖征轡。離愁漸遠漸無窮。迢迢不斷如春水。
寸寸柔腸。盈盈粉淚。樓高莫近危闌倚。平蕪盡處是春山。行人更在春山外。

又

秦觀

霧失樓臺。月迷津渡。桃源望斷無尋處。可堪孤館閉春寒。杜鵑聲裏斜陽暮。
驛寄梅花。魚傳尺素。砌成此恨無重數。郴江幸自繞郴山。爲誰流下瀟湘去。

又自河東來丁未元日至金陵江上感夢而作

姜夔

燕燕輕盈。鶯鶯嬌軟。分明又向華胥見。夜長爭得薄情知。春初早被相思染。別後書辭。別時針線。離魂暗逐郎行遠。淮南皓月冷千山。冥冥歸去無人管。

蝶戀花

晏殊

六曲闌干偎碧樹。揚柳風輕。展盡黃金縷。誰把鈿箏移玉柱。穿簾海燕雙飛去。滿眼游絲兼落絮。紅杏開時。一霎清明雨。濃睡覺來鶯亂語。驚殘好夢無尋處。

又

歐陽修

庭院深深深幾許。楊柳堆煙。簾幕無重數。玉勒雕鞍游冶處。樓高不見章臺路。雨橫風狂三月暮。門掩黃昏。無計留春住。淚眼問花花不語。亂紅飛過鞦韆去。

又

歐陽修

誰道閒情拋棄久。每到春來。惆悵還依舊。日日花前常病酒。不辭鏡裏朱顏瘦。
河畔青蕪隄上柳。爲問新愁。何事年年有。獨立小橋風滿袖。平林新月人歸後。

又

幾日行雲何處去。忘了歸來。不道春將暮。百草千花寒食路。香車繫在誰家樹。
淚眼倚樓頻獨語。雙燕來時。陌上相逢否。撩亂春愁如柳絮。依依夢裏無尋處。

又

柳永

竚倚危樓風細細。望極春愁。黯黯生天際。草色煙光殘照裏。無言誰會憑闌意。
擬把疏狂圖一醉。對酒當歌。強樂還無味。衣帶漸寬終不悔。爲伊消得人憔悴。

詞

範

卷上

三三三

悴。

又

蘇 軾

花褪殘紅青杏小。燕子飛時。綠水人家繞。枝上柳綿吹又少。天涯何處無芳草。
牆裏鞦韆牆外道。牆外行人。牆裏佳人笑。笑漸不聞聲漸杳。多情卻被無情惱。

又

晏幾道

醉別西樓醒不記。春夢秋雲。聚散真容易。斜月半窗還少睡。畫屏閒展吳山翠。
衣上酒痕詩裏字。點點行行。總是淒涼意。紅燭自憐無好計。夜寒空替人垂淚。

又

趙令時

欲減羅衣寒未去。不捲珠簾。人在深深處。紅杏枝頭花幾許。啼痕止恨清明雨。

盡日沈煙香一縷。宿酒醒遲。惱破春情緒。飛燕又將歸信誤。小屏風上西江路。

唐多令

劉過

安遠樓小集。侑觴歌板之姬黃其姓者。乞詞於龍洲道人爲賦此。同柳阜之劉去非石民瞻周嘉仲陳孟參孟容時八月五日也。

蘆葉滿汀洲。寒沙帶淺流。二十年、重過南樓。柳下繫船猶未穩。能幾日、又中秋。黃鶴斷磯頭。故人曾到不。舊江山、渾是新愁。欲買桂花同載酒。終不似、少年游。

又

吳文英

何處合成愁。離人心上秋。縱、芭蕉不雨也颼颼。都道晚涼天氣好。有明月、怕登樓。年事夢中休。花空煙水流。燕辭歸、客尙淹留。垂柳不縈裙帶住。漫長是、繫行舟。

漁家傲

范仲淹

塞下秋來風景異。衡陽雁去無留意。四面邊聲連角起。千嶂裏。長煙落日孤城閉。濁酒一杯家萬里。燕然未勒歸無計。羌管悠悠霜滿地。人不寐。將軍白髮征夫淚。

又

朱服

小雨纖纖風細細。萬家楊柳青煙裏。戀樹溼花飛不起。愁無際。和春付與東流水。九十光陰能有幾。金龜解盡留無計。寄語東陽沽酒市。拚一醉。而今樂事他年淚。

又

陸游

東望山陰何處是。往來一萬三千里。寫得家書空滿紙。流清淚。書回已是明年事。寄語紅橋橋下水。扁舟何日尋兄弟。行徧天涯真老矣。愁無寐。鬢絲幾縷

茶煙裏。

蘇幕遮

范仲淹

碧雲天。黃花地。秋色連波。波上寒煙翠。山映斜陽天接水。芳草無情。更在斜陽外。黯鄉魂。追旅思。夜夜除非。好夢留人睡。明月樓高休獨倚。酒入愁腸。化作相思淚。

定風波三月三日沙湖道中遇雨雨具先去同

蘇軾

莫聽穿林打葉聲。何妨吟嘯且徐行。竹杖芒屨輕勝馬。誰怕。一蓑煙雨任平生。料峭春風吹酒醒。微冷。山頭斜照卻相迎。回首向來蕭瑟處。歸去。也無風雨也無晴。

又意上送范先之游建鄴

辛棄疾

聽我尊前醉後歌。人生無奈別離何。但使情親千里近。須信。無情對面是山河。

寄語石頭城下水。居士而今。渾不怕風波。借使未成鷗鷺伴。經慣也。應學得老漁叢。

又進賢道上見梅贈王伯壽

陸游

欵帽垂鞭送客回。小橋流水一枝梅。衰病逢春都不記。誰謂幽香卻解逐人來。安得身閒頻置酒。攜手與君看到十分開。少壯相從今雪鬢。因甚流年羈恨兩相催。

感皇恩

賀鑄

蘭芷滿汀洲。游絲橫路。羅韞塵生步。迎顧整鬟顰黛。脈脈兩情難語。細風吹柳絮。人南渡。回首舊游。山無重數。花底深朱戶。何處半黃梅子。向晚一簾疏雨。斷魂分付與春歸去。

又入京

趙企

騎馬踏紅塵。長安重到。人面依然似花好。舊歡纔展。又被新愁分了。未成雲雨夢。巫山曉。千里斷腸。關山古道。回首高城似天杳。滿懷離恨。付與落花啼鳥。故人何處也。青春老。

青玉案

賀鑄

凌波不過橫塘路。但目送芳塵去。錦瑟華年誰與度。月橋花院。瑣窗朱戶。只有春知處。飛雲冉冉蘅皋暮。彩筆新題斷腸句。試問閒愁都幾許。一川煙草。滿城風絮。梅子黃時雨。

又元夕

辛棄疾

東風夜放花千樹。更吹落、星如雨。寶馬雕車香滿路。鳳簫聲動。玉壺光轉。一夜魚龍舞。蛾兒雪柳黃金縷。笑語盈盈暗香去。衆裏尋他千百度。驀然回首。那人卻在燈火闌珊處。

又

歐陽修

一年春事都來幾。早過了。三之二。綠暗紅嫣。渾可事。綠楊庭院。暖風簾幕。有箇人憔悴。買花載酒長安市。又爭似家山見桃李。不枉東風吹客淚。相思難表。夢魂無據。惟有歸來是。

江城子

蘇軾

銀濤無際卷蓬瀛。落霞明。暮雲平。曾見青鸞紫鳳下層城。二十五絃彈不盡。空感慨。惜離情。蒼梧煙水斷歸程。卷霓旌。爲誰迎。空有千行流淚寄幽貞。舞罷魚龍雲海晚。千古恨。入江聲。

又 湖上與張先同賦

鳳凰山下雨初晴。水風清。晚霞明。一朵芙蓉。開過尙盈盈。何處飛來雙白鷺。如有意。慕娉婷。忽聞江上弄哀箏。苦含情。遣誰聽。煙斂雲收。依約是湘靈。欲待

曲終尋問取。人不見。數峰青。

又

秦觀

西城楊柳弄春柔。動離憂。淚難收。猶記多情曾爲繫歸舟。碧野朱橋當日事。人不見。水空流。韶華不爲少年留。恨悠悠。幾時休。飛絮落花時候一登樓。便做春江都是淚。流不盡。許多愁。

又

盧祖皋

畫樓簾幕捲新晴。掩銀屏。曉寒輕。墜粉飄香。日日喚愁生。暗數十年湖上路。能幾度。著娉婷。年華空自感飄零。擁春醒。對誰醒。天闊雲閒。無處覓簫聲。載酒買花年少事。渾不是。舊心情。

又

元好問

河隄煙樹渺雲沙。七香車。更天涯。萬古千秋。幽恨入琵琶。想到都門南下望。金

縷暗。玉釵斜。津橋春水浸紅霞。上陽花。落誰家。獨恨經年。培養牡丹芽。寒雁歸時憑寄語。莫容易。損容華。

又

行雲冉冉度關山。別時難。見時難。悵望南風。早晚送雲還。心事情緣千萬怯。無計解。玉連環。夕陽人影小樓閒。曲闌干。晚風寒。料得而今。前後望歸鞍。寂寞梨花枝上雨。人不見。與誰彈。

風入松

俞國寶

一春長費買花錢。日日醉湖邊。玉驄慣識西湖路。驕嘶過、沽酒鑪前。紅杏香中。簫鼓。綠楊影裏鞦韆。暖風十里麗人天。花壓鬢雲偏。畫船載取春歸去。餘情付、湖水湖煙。明日重扶殘醉。來尋陌上花鈿。

又

吳文英

聽風聽雨過清明。愁草瘞花銘。樓前綠暗，分攜路，一絲柳，一寸柔情。料峭春寒，中酒，交加曉夢啼鶯。西園日日掃林亭。依舊賞新晴。黃蜂頻撲鞦韆索，有當時、纖手香凝。惆悵雙鴛不到，幽階一夜苔生。

御街行

晏幾道

街南綠樹春饒繁。雪滿游春路。樹頭花豔雜嬌雲。樹底人家朱戶。北樓聞上，疏簾高捲，直見街南樹。闌干倚盡猶慵去。幾度黃昏雨。晚春盤馬踏青苔。曾傍綠陰深駐。落花猶在，香屏空掩，人面知何處。

又

范仲淹

紛紛墜葉飄香砌。夜寂靜、寒聲碎。真珠簾捲玉樓空。天淡銀河垂地。年年今夜，月華如練，長是人千里。愁腸已斷無由醉。酒未到、先成淚。殘燈明滅枕頭敲。諳盡孤眠滋味。都來此事，眉閒心上，無計相迴避。

祝英臺近

辛棄疾

寶釵分。桃葉渡。煙柳暗南浦。怕上層樓。十日九風雨。斷腸片片飛紅。都無人管。更誰勸、啼鶯聲住。鬢邊覷。應把花卜歸期。纔簪又重數。羅帳燈昏。哽咽夢中語。是他春帶愁來。春歸何處。卻不解、帶將愁去。

驀山溪

和清真

方千里

園林晴晝。花上黃蜂尾。鶯語怯遊人。又還傍、綠楊深避。曲池斜徑。草色碧於藍。闌倦倚。簾半起。魂斷斜陽裏。江南春盡。渺渺平橋水。身在一天涯。問此恨、何時是已。飛帆輕槳。催送莫愁來。歌舞地。尊酒底。不羨東鄰美。

又題錢氏溪月

姜夔

與鷗爲客。綠野留吟屐。兩行柳垂陰。是當日、仙翁手植。一亭寂寞。煙水帶愁橫。荷冉冉。展涼雲。橫臥虹千尺。才因老盡。秀句君休覓。萬綠正迷人。更愁入、山

陽夜笛。百年心事。惟有玉闌知。吟未了。放船回。月下空相憶。

洞仙歌

蘇軾

余七歲時見眉州老尼姓朱忘其名年九十歲自言嘗隨其師入蜀主孟昶宮中一日大熱蜀主與花蕊夫人夜納涼摩訶池上作一詞朱具誌記之今四十年朱已死久矣人無知此詞者但記其首兩句暇日尋味豈洞仙歌令乎乃爲足之云

冰肌玉骨。自清涼無汗。水殿風來暗香滿。繡簾開。一點明月窺人。人未寢。欹枕釵橫鬢亂。起來攜素手。庭戶無聲。時見疏星度河漢。試問夜如何。夜已三更。金波淡。玉繩低轉。但屈指西風幾時來。又不道。流年暗中偷換。

滿江紅

岳飛

怒髮衝冠。憑闌處、瀟瀟雨歇。擡望眼、仰天長嘯。壯懷激烈。三十功名塵與土。八千里路雲和月。莫等閒、白了少年頭。空悲切。靖康恥。猶未雪。臣子恨。何時滅。駕長車踏破。賀蘭山缺。壯志飢餐胡虜肉。笑談渴飲匈奴血。待從頭、收拾舊山

河朝天闕。

又

辛棄疾

家住江南。又過了、清明寒食。花徑裏、一番風雨，一番狼藉。紅粉暗隨流水去。園林漸覺清陰密。算年年、落盡刺桐花，寒無力。庭院靜。空相憶。無說處。閒愁極。怕、流鶯乳燕，得知消息。只素如今何處也。綠雲依舊無蹤跡。漫教人、羞去上層樓。平蕪碧。

又 江行簡場濟翁周顯先

過眼溪山。怪都是、舊時曾識。還記得、夢中行遍。江南江北。佳處徑須攜杖去。能消幾兩平生屐。笑塵勞、三十九年非。長爲客。吳楚地。東南坼。英雄事。曹劉敵。被、西風吹盡了。無塵跡。樓觀甫成人已去。旌旗未卷頭先白。歎人生、哀樂轉相尋。今猶昔。

又

毛 并

潑火初收。秋千外、輕煙漠漠。春漸遠、綠楊芳草。燕飛池閣。已著單衣寒食後。夜來還是東風惡。對空山寂寂。杜鵑啼。梨花落。傷別恨、閒情作。十載事、驚如昨。向花前月下。共誰行樂。飛蓋低迷南苑路。湔裙悵望東城約。但老來顛顛。惜春心。年年覺。

又 金陵懷古

薩都刺

六代豪華。春去也、更無消息。空悵望、山川形勝。已非疇昔。王謝堂前雙燕子。烏衣巷口曾相識。聽夜深、寂寞打孤城。春潮急。思往事、愁如織。懷故國、空陳迹。但荒煙衰草。亂鴉斜日。玉樹歌殘秋露冷。胭脂井壞寒螿泣。到如今、只有蔣山青。秦淮碧。

水調歌頭

丙辰中秋歡飲達旦作此篇兼懷子由

蘇 軾

詞

範

卷 上

四七

明月幾時有。把酒問青天。不知天上宮闕。今夕是何年。我欲乘風歸去。惟恐瓊樓玉宇。高處不勝寒。起舞弄清影。何似在人間。轉朱閣。低繡戶。照無眠。不應有恨。何事偏向別時圓。人有悲歡離合。月有陰晴圓缺。此事古難全。但願人長久。千里共嬋娟。

又 與李長源游龍門

元好問

灘聲蕩高壁。秋氣靜雲林。回頭洛陽城闕。塵土一何深。前日神光牛背。今日春風馬耳。因見古人心。一笑青山底。未受二毛侵。問龍門。何所似。似山陰。平生夢想佳景。留眼更登臨。我有一卮芳酒。喚取山花山鳥。伴我醉時吟。何必絲與竹。山水有清音。

滿庭芳

晏幾道

南苑吹花。西樓題葉。故園歡事重重。憑闌秋思。閒記舊相逢。幾處歌雲夢雨。可

憐便流水西東。別來久，淺情未有。錦字繫征鴻。年光還少味。開殘檻菊。落盡溪桐。漫留得尊前淡月。淒風此恨誰堪共說。清愁付綠酒杯中。佳期在歸時待把香袖看啼紅。

又

秦觀

山抹微雲。天黏衰草。畫角聲斷譙門。暫停征櫂。聊共引離尊。多少蓬萊舊事。空回首。煙靄紛紛。斜陽外。寒鴉萬點。流水繞孤邨。消魂當此際。香囊暗解。羅帶輕分。漫贏得青樓薄倖名存。此去何時見也。襟袖上空惹啼痕。傷情處。高城望斷。燈火已黃昏。

又

曉色雲開。春隨人意。驟雨纔過還晴。古臺芳榭。飛燕蹴紅英。舞困榆錢自落。鞦韆外。綠水橋平。東風裏。朱門映柳。低按小秦箏。多情。行樂處。珠鈿翠蓋。玉轡

詞

範

卷

上

四九

紅纓漸、酒空金盞。花困蓬瀛。豆蔻梢頭舊恨。十年夢、屈指堪驚。憑闌久。疏煙淡日。寂寞下蕪城。

又

碧水驚秋。黃雲凝暮。敗葉零亂空階。洞房人靜。斜月照徘徊。又是重陽近也。幾處處、砧杵聲催。西窗下、風搖翠竹。疑是故人來。傷懷。增悵望。新歡易失。往事難猜。問、籬邊黃菊。知爲誰開。漫道愁須殢酒。酒未醒、愁已先回。憑闌久。金波漸轉。白露點蒼苔。

又 夏日漂水無想山作

周邦彥

風老鶯雛。雨肥梅子。午陰嘉樹清圓。地卑山近。衣潤費鑪煙。人靜烏鴛自樂。小橋外、新綠濺濺。憑闌久。黃蘆苦竹。疑泛九江船。年年。如社燕。飄流瀚海。來寄修椽。且莫思身外。長近尊前。憔悴江南倦客。不堪聽、急管繁絃。歌筵畔。先安簾

枕容我醉時眠。

又促織兒

張 鎡

月洗高梧。露溥幽草。寶釵樓外秋深。土花沿翠。螢火墜牆陰。靜聽寒聲斷續。微韻轉、淒咽悲沈。爭求侶。殷勤勸織，促破曉機心。兒時曾記得。呼燈灌穴，斂步隨音。任滿身花影，猶自追尋。攜向華堂戲鬪。亭臺小、籠巧妝金。今休說。從渠牀下涼夜伴孤吟。

燭影搖紅 題安陸浮雲樓

廖世美

靄靄春空。畫樓森聳凌雲渚。紫薇登覽最關情。絕妙誇能賦。惆悵相思遲暮。記當日、朱闌共語。塞鴻難問。岸柳何窮。別愁紛絮。催促年光，舊來流水知何處。斷腸何必更殘陽。極目傷平楚。晚霽波聲帶雨。悄無人、舟橫野渡。數峰江上，芳草天涯，參差煙樹。

又上元有懷

張 掄

雙闕中天鳳樓十二春寒淺。去年元夜奉宸游。曾侍瑤池宴。玉殿珠簾盡捲。擁羣仙、蓬壺閬苑。五雲深處。萬燭光中。揭天絲管。馳隙流年。恍如一瞬星霜換。今宵誰念泣孤臣。回首長安遠。可是塵緣未斷。漫惆悵、華胥夢短。滿懷幽恨。數點寒燈。幾聲歸雁。

八聲甘州

柳 永

對、瀟瀟暮雨灑江天。一番洗清秋。漸、霜風淒緊。關河冷落。殘照當樓。是處紅衰翠減。苒苒物華休。惟有長江水。無語東流。不忍登高臨遠。望、故鄉渺邈。歸思難收。歎年來蹤迹。何事苦淹留。想佳人、妝樓凝望。誤幾回、天際識歸舟。爭知我、倚闌干處。正恁凝愁。

又寄參寥子

蘇 軾

有情風。萬里卷潮來。無情送潮歸。問錢塘江上。西興浦口。幾度斜暉。不用思量。今古俯仰。昔人非。誰似東坡老。白首忘機。記取西湖西畔。正春山好處。空翠煙霏。算詩人相得。如我與君稀。約他年。東還海道。願謝公。雅志莫相違。西州路。不應回首。爲我沾衣。

又揚州次韻和東坡錢塘作

晁補之

謂東坡。未老賦歸來。天未遣公歸。向西湖兩處。秋波一種。飛靄澄輝。又擁竹西歌吹。僧老木蘭非。一笑千秋事。浮世危機。應倚平山闌檻。是醉翁飲處。江雨霏霏。送孤鴻相接。今古眼中稀。念平生。相從江海。任飄蓬。不遣此心違。登臨事。更何須惜。吹帽淋衣。

又靈巖陪庾幕諸公游

吳文英

渺空煙四遠。是何年。青天墜長星。幻蒼崖雲樹。名娃金屋。殘霸宮城。箭徑酸風

射眼膩水染花腥。時鞞雙鴛響。廊葉秋聲。宮裏吳王沈醉倩。五湖倦客獨釣醒醒。問蒼波無語。華髮奈山青。水涵空、闌干高處送。亂鴉斜日落漁汀。連呼酒。上琴臺去。秋與雲平。

又

元好問

玉京巖。龍香海南來。霓裳月中傳。有六朝圖畫。朝朝瓊樹。步步金蓮。明滅重簾。畫燭幾處鎖嬋娟。塵暗秦王女。秋扇年年。一枕繁華夢覺。問故家桃李。何許爭妍。便牛羊丘隴。百草動荒煙。更誰知。昭陽舊事。似天教。通德見伶玄。春風老。擁鬢顰黛。寂寞燈前。

暗香

姜夔

辛亥之冬。余載雪詣石湖。止既月。授簡索句。且徵新聲。作此兩曲。
石湖把玩不已。使二妓肄習之音節。諧婉乃名之曰暗香疏影。
舊時月色。算幾番照我。梅邊吹笛。喚起玉人。不管清寒與攀摘。何遜而今漸老。

都忘卻。春風詞筆。但怪得、竹外疏花。香冷入瑤席。江國正寂寂。歎、寄與路遙。夜雪初積。翠尊易泣。紅萼無言耿相憶。長記曾攜手處。千樹壓、西湖寒碧。又、片
片吹盡也。幾時見得。

高陽臺落梅

吳文英

宮粉雕痕。仙雲墮影。無人野水荒灣。古石埋香。金沙鎖骨連環。南樓不恨吹橫
笛。恨曉風、千里關山。半飄零。庭上黃昏。月冷闌干。壽陽空理愁鸞。問、誰調玉
髓。暗補香瘢。細雨歸鴻。孤山無限春寒。離魂難倩招清些。夢縞衣、解佩溪邊。最
愁人。啼烏晴明。葉底清圓。

又除夜

韓 轆

頻聽銀籤。重然絳蠟。年華袞袞驚心。餞舊迎新。能消幾刻光陰。老來可慣通宵
飲。待不眠、還怕寒侵。掩清尊、多謝梅花。伴我微吟。鄰娃已試春妝了。更、蜂腰

簇翠。燕股橫金。句引東風。也知芳思難禁。朱顏那有年年好。逞豔游、贏得如今。
恁登臨。殘雪樓臺。遲日園林。

又和周草窗寄越中諸友韻

王沂孫

殘雪庭陰。輕寒簾影。霏霏玉管春葭。小帖金泥。不知春是誰家。相思一夜窗前
夢。奈箇人、水隔天遮。但淒然。滿樹幽香。滿地橫斜。江南自是離愁苦。況游駉
古道。歸雁平沙。怎得銀牋。殷勤說與年華。如今處處生芳草。縱憑高、不見天涯。
更消他。幾度東風。幾度飛花。

念奴嬌 赤壁懷古

蘇軾

大江東去。浪淘盡、千古風流人物。故壘西邊。人道是、三國周郎赤壁。亂石崩雲，
驚濤裂岸。捲起千堆雪。江山如畫。一時多少豪傑。遙想公瑾當年。小喬初嫁
了。雄姿英發。羽扇綸巾。談笑閒、強虜灰飛煙滅。故國神游。多情應笑我。早生華

髮。人間如夢。一尊還醉江月。

又書東流村壁

辛棄疾

野塘花落。又匆匆過了。清明時節。剗地東風欺客夢。一枕雲屏寒怯。曲岸持觴。垂楊繫馬。此地曾輕別。樓空人去。舊遊飛燕能說。聞道綺陌東頭。行人曾見。簾底纖纖月。舊恨春江流不斷。新恨雲山千疊。料得明朝。尊前重見。鏡裏花難折。也應驚問。近來多少華髮。

又

姜夔

余客武陵湖北憲治在焉。古城野水喬木參天。余與二三友日蕩舟其間。薄荷花而飲。意象幽閒。不類人境。秋水且涸。荷葉出地尋丈。因列坐其下。上不見日。清風徐來。綠雲自動。聞於疏處。窺見游人。畫船亦一樂也。竭來吳興。數得相羊荷花中。又夜泛西湖。光景奇絕。故以此句寫之。

鬪紅一舸。記來時。嘗與鴛鴦爲侶。三十六陂人未到。水佩風裳無數。翠葉吹涼。玉容消酒。更灑菰蒲雨。嫣然搖動。冷香飛上詩句。日暮。青蓋亭亭。情人不見。

詞

範

卷

上

五七

爭忍凌波去。只恐舞衣寒易落。愁入西風南浦。高柳垂陰。老漁吹浪。留我花間住。田田多少。幾回沙際歸路。

又石頭城用東坡赤壁韻

薩都刺

石頭城上望。天低吳楚。眼中無物。指點六朝形勝地。惟有青山如壁。蔽日旌旗。連雲檣艫。白骨紛如雪。大江南北。消磨多少豪傑。寂寞避暑離宮。東風輦路。芳草年年發。落日無人松徑冷。鬼火高低明滅。歌舞尊前。繁華鏡裏。暗換青青髮。傷心千古。秦淮一片明月。

木蘭花慢 滁州送范倅

辛棄疾

老來情味減。對別酒、怯流年。況屈指中秋，十分好月，不照人圓。無情水都不管。共西風、只管送歸船。秋晚尊鱸江上，夜深兒女燈前。征衫便好去朝天。玉殿正思賢。想夜半承明，留教視草，卻遣籌邊。長安故人問我道，愁腸澀酒只依然。

目斷秋宵落雁。醉來時響空絃。

又

戴復古

鶯啼啼不盡。憑燕語。語難通。這一點芳心。十年不斷。惱亂東風。重來故人何處。但依前流水。小橋東。記得同題粉壁。而今壁破無蹤。蘭皋空漲綠溶溶。流恨落花紅。念著破春衫。當時送別。燈下裁縫。相思漫令自苦。歎雲煙過眼。總成空。落日楚天無際。凭闌目送歸鴻。

又

元好問

對西山搖落。又匹馬。過并州。恨秋雁年年。長空淡淡。事往情留。白頭幾回南北。竟何人談笑。得封侯。愁裏狂歌濁酒。夢中錦帶吳鉤。嚴城笳鼓動高秋。萬竈擁貔貅。覺全晉山河。風聲習氣。未減風流。風流故家人物。慨中宵拊枕。憶同游。不用聞雞起舞。且須乘月登樓。

詞

範

卷上

五九

又 游三臺

擁、峇峇雙闕。龍虎氣。鬱崢嶸。想暮雨珠簾。秋香桂樹。指顧臺城。臺城爲誰西望。但哀絃。淒斷似平生。只道江山如畫。爭教天地無情。風雲奔走十年兵。慘淡入經營。問對酒當歌。曹侯墓上。何用虛名。青青故都喬木。悵西陵遺恨幾時平。安得參軍健筆。爲君重賦蕪城。

水龍吟

程 垓

夜來風雨。怱怱。故園定是花無幾。愁多怨極。等閒孤負。一年芳意。柳困桃慵。杏青梅小。對人容易。算好春長在。好花長見。原只是人憔悴。回首池南舊事。恨星星。不堪重記。如今但有。看花老眼。傷時清淚。不怕逢花瘦。只愁怕。老來風味。待繁紅亂處。留雲借月。也須拚醉。

又

陳 亮

鬧花深處樓臺。畫簾半捲東風軟。春歸翠陌。平莎茸嫩。垂楊金淺。遲日催花。淡雲閣雨。輕寒輕暖。恨芳菲世界。游人未賞。都付與、鶯和燕。寂寞憑高念遠。向南樓、一聲歸雁。金釵鬪草。青絲勒馬。風流雲散。羅綬分香。翠綃封淚。幾多幽怨。正消魂。又是疏煙淡月。子規聲斷。

又白蓮

唐 珣

淡妝人更嬋娟。晚。奩淨洗鉛華膩。泠泠月色。蕭蕭風度。嬌紅斂避。太液池空。霓裳舞倦。不堪重記。歎冰魂猶在。翠輿難駐。玉簪爲誰輕墜。別有淩波一葉。泛清寒、素波千里。珠房淚溼。明璫恨遠。舊遊夢裏。羽扇生秋。瓊樓不夜。尙遺仙意。奈香雲易散。綃衣半脫。露涼如水。

又白蓮

張 炎

仙人掌上芙蓉。娟娟猶溼金盤露。淡妝照水。纖裳立玉。無言似舞。幾度消凝。滿

湖煙月一汀鷗鷺。記小舟清夜。波明香遠。渾不見、花開處。應是浣花人妒。褪紅衣、被誰輕誤。閒情淡雅。冶容清潤。憑嬌待語。隔浦相逢。偶然傾蓋似傳心素。怕、湘皋佩解。綠雲十里。捲西風去。

齊天樂

周邦彥

綠蕪凋盡臺城路。殊鄉又逢秋晚。暮雨生寒。鳴蛩勸織。深閣時聞裁翦。雲窗靜掩。歎重拂羅袖。頓疏花簾。尚有練囊露螢。清夜照書卷。荆江留滯最久。故人相望處。離思何限。渭水西風。長安亂葉。空憶詩情宛轉。凭高眺遠。正玉液新篘。蟹螯初薦。醉倒山翁。但愁斜照斂。

又

姜夔

丙辰歲與張功甫會飲張達可之堂聞屋壁聞蟋蟀有聲功甫約余同賦以授歌者功甫先成詞甚美余徘徊末利花間仰見秋月頗起幽思尋亦得此蟋蟀中都呼爲促織善鬪好事者或以三二十萬錢致一枚鑿象齒爲樓觀以貯之

庾郎先自吟愁賦。淒淒更聞私語。露溼銅鋪。苔侵石井。都是曾聽伊處。哀音似訴。正思婦無眠。起尋機杼。曲曲屏山。夜涼獨自甚情緒。西窗又吹暗雨。爲誰頻斷續。相和砧杵。候館迎秋。離宮弔月。別有傷心無數。豔詩漫與。笑籬落呼燈。世閒兒女。寫入琴絲。一聲聲更苦。

又

王沂孫

一襟餘恨宮魂斷。年年翠陰庭樹。乍咽涼柯。還移暗葉。重把離愁深訴。西窗過雨。怪瑤佩流空。玉箏調柱。鏡暗妝殘。爲誰嬌鬢尙如許。銅仙鉛淚似洗。歎移盤去遠。難貯零露。病翼驚秋。枯形閱世。消得斜陽幾度。餘音更苦甚。獨抱清高。頓成淒楚。漫想薰風。柳絲千萬縷。

又

仇遠

夕陽門巷荒城曲。清音早鳴秋樹。薄翳綃衣。涼生鬢影。獨飲天邊風露。朝朝暮

暮。奈、一度淒吟。一番淒楚。尙有殘聲。驀然飛過別枝去。齊宮往事漫省。行人猶與說。當時齊女。雨歇空山。月籠古柳。髣髴舊曾聽處。離情正苦甚。嬾拂冰絃。倦拈琴譜。滿地紅霜。淺莎尋脫羽。

綺羅香 詠春雨

史達祖

做冷欺花。將煙困柳。千里偷催春暮。盡日冥迷。愁裏欲飛還住。驚粉重、蝶宿西園。喜泥潤、燕歸南浦。最妨他、佳約風流。鈿車不到杜陵路。沈沈江上望極。還被春潮晚急。難尋官渡。隱約遙峰。和淚謝娘眉嫵。臨斷岸、新綠生時。是落紅、帶愁流處。記當日、門掩梨花。翦燈深夜語。

又紅葉

張炎

萬里飛霜。千山落木。寒豔不招春妒。楓冷吳江。獨客又吟愁句。正船艤、流水孤村。似花繞、斜陽芳樹。甚荒溝、一片淒涼。載情不去載愁去。長安誰問倦旅。羞

見衰顏借酒飄零如許。漫倚新妝。不入洛陽花譜。爲西風、起舞尊前。盡化作、斷霞千縷。記陰陰、綠遍江南。夜窗聽暗雨。

望海潮

柳永

東南形勝。三吳都會。錢塘自古繁華。煙柳畫橋。風簾翠幕。參差十萬人家。雲樹繞隄沙。怒濤卷霜雪。天塹無涯。市列珠璣。戶盈羅綺。競豪奢。重湖疊嶽清嘉。有三秋桂子。十里荷花。羌管弄晴。菱歌泛夜。嬉嬉釣叟蓮娃。千騎擁高牙。乘醉聽簫鼓。吟賞煙霞。異日圖將好景。歸去鳳池誇。

又

秦觀

星分牛斗。疆連淮海。揚州萬井提封。花發路香。鶯啼人起。珠簾十里東風。豪俊氣如虹。曳照春金紫。飛蓋相從。巷入垂楊。畫橋南北翠煙中。追思故國繁雄。有迷樓挂斗。月觀橫空。文錦製帆。明珠濺雨。寧論爵馬魚龍。往事逐孤鴻。但亂

詞

範

卷上

六五

雲流水。縈帶離宮。最好揮毫萬字。一飲拌千鍾。

又

梅英疏淡。冰澌溶洩。東風暗換年華。金谷俊游。銅駝巷陌。新晴細履平沙。長記
誤隨車。正絮翻蝶舞。芳思交加。柳下桃蹊。亂分春色到人家。西園夜飲鳴笳。
有華燈礙月。飛蓋妨花。蘭苑未空。行人漸老。重來是事堪嗟。煙暝酒旗斜。但倚
樓極目。時見棲鴉。無奈歸心。暗隨流水到天涯。

又從軍舟中作

折元禮

地雄河岳。疆分韓晉。潼關高壓秦頭。山倚斷霞。江吞絕壁。野煙縈帶滄洲。虎旆
擁貔貅。看陣雲截岸。霜氣橫秋。千雉巖城。五更殘角。月如鉤。西風曉入貂裘。
恨。儒冠誤我。卻羨兜牟。六郡少年。三關老將。賀蘭烽火新收。天外嶽蓮樓。挂幾
行雁字。指引歸舟。正好黃金換酒。羯鼓醉涼州。

風流子

張耒

亭皋木葉下。重陽近。又是擣衣秋。念愁入庾腸。老侵潘鬢。漫簪黃菊。花也應羞。
楚天晚。白蘋煙盡處。紅蓼水邊頭。芳草有情。夕陽無語。雁橫南浦。人倚西樓。
玉容知安否。香牋共錦字。兩處悠悠。空恨碧雲離合。青鳥沈浮。向風前懊惱。芳
心一點。寸眉兩葉。禁甚閒愁。情到不堪言處。分付東流。

又

皇州淑景滿。和風漸。催促柳花飛。過清明驟雨。五侯臺榭。青煙散入。新火開時。
繡簾外。傍人飛燕子。映葉語黃鸝。鞦韆晝永。綺羅人散。笑隔花陰。紅粉牆低。
青鳥多行樂。尋芳處。何計強逐輕肥。空對舊遊滿目。誰共開眉。遇有時繫馬。垂
楊影下。風前竚立。惆悵佳期。回望故園桃李。應待人歸。

疏影

姜夔

詞

範

卷上

六七

苔枝綴玉。有翠禽小小。枝上同宿。客裏相逢。籬角黃昏。無言自倚修竹。昭君不慣胡沙遠。但暗憶、江南江北。想佩環、月夜歸來。化作此花幽獨。猶記深宮舊事。那人正、睡裏飛近蛾綠。莫似春風。不管盈盈。早與安排金屋。還教一片隨波去。又卻怨、玉龍哀曲。等恁時、重覓幽香。已入小窗橫幅。

又詠荷葉

張炎

碧圓自潔。向淺洲遠浦。亭亭清絕。猶有遺簪。不展秋心。能捲幾多炎熱。鴛鴦密語同傾蓋。且莫與、浣紗人說。恐怨歌、忽斷花風。碎卻翠雲千疊。回首當年漢舞。怕飛去、漫皴留仙裙摺。戀戀青衫。猶染枯香。還歎鬢絲飄雪。盤心清露如鉛水。又一夜、西風吹折。喜淨看、匹練飛光。倒瀉半湖明月。

小梅花

賀鑄

城下路。淒風露。今人犁田古人墓。岸頭沙。帶蒹葭。漫漫昔時流水。今人家。黃埃

赤日長安道。倦客無漿馬無草。開函關。掩函關。千古如何不見一人閒。六國
擾。三秦掃。初謂商山遺四老。馳單車。致緘書。裂荷焚芟接武曳長裾。高流端得
酒中趣。深入醉鄉安穩處。生忘形。死忘名。誰論二豪初不數劉伶。

又

縛虎手。懸河口。車如雞棲馬如狗。白綸巾。撲黃塵。不知我輩可是蓬蒿人。衰蘭
送客咸陽道。天若有情天亦老。作雷顛。不論錢。誰問旗亭美酒斗十千。酌大
斗。更爲壽。青鬢常青古無有。笑嫣然。舞翩然。當鑪秦女十五語如絃。遺音能記
秋風曲。事去千年猶恨促。攬流光。繫扶桑。爭奈愁來一日卻爲長。

又

思前別。記時節。美人顏色如花發。美人歸。天一涯。娟娟姮娥三五滿還虧。翠眉
蟬鬢生難訣。遙望青樓心欲絕。夢中尋。臥巫雲。覺來珠淚滴向湘水深。愁無

詞

第

卷

上

六九

已。奏綠綺。歷歷高山與流水。妙通神。絕知音。不知暮雨朝雲何山岑。相思無計
堪相比。珠箔雕闌幾千里。漏將分。月窗明。一夜梅花忽開疑是君。

沁園春

宮燭分煙。禁池開鑰。鳳城暮春。向落花香裏。澄波影外。笙歌遲日。羅綺芳塵。載
酒追游。聯鑣歸晚。燈火平康尋夢雲。逢迎處。最多才自負。巧笑相親。離羣。客
宦漳濱。但驚見。來鴻歸燕頻。念日邊消耗。天涯悵望。樓臺清曉。簾幕黃昏。無限
悲涼。不勝憔悴。斷盡危腸鎖盡魂。方年少。恨虛名誤我。樂事輸人。

又

陸游

孤鶴歸來。再過遼天。換盡舊人。念纍纍枯塚。茫茫夢境。王侯螻蟻。畢竟成塵。載
酒園林。尋花巷陌。當日何曾輕負春。流年改歎。圍腰帶賸。點鬢霜新。交親散
落如雲。又豈料。而今餘此身。幸眼明身健。茶甘飯軟。非惟我老。更有人貧。躲盡

危機消殘壯志，短艇湖中閒採蓴。吾何恨，有漁翁共醉，谿友爲鄰。

賀新郎

蘇軾

乳燕飛華屋。悄無人、桐陰轉午。晚涼新浴。手弄生綃白團扇。扇手一時似玉。漸困倚、孤眠清熟。簾外誰來推繡戶。枉教人、夢斷瑤臺曲。又卻是、風敲竹。石榴半吐紅巾感。待浮花浪蕊都盡，伴君幽獨。穠豔一枝細看取。芳心千重似束。又恐被、秋風驚綠。若待得、君來向此。花前對酒不忍觸。共粉淚、兩蔌蔌。

又蘇軾嘉祐十二弟

辛棄疾

綠樹聽鶉鳩。更那堪、鷓鴣聲住。杜鵑聲切。啼到春歸無啼處。苦恨芳菲都歇。算未抵、人間離別。馬上琵琶關塞黑。更長門、翠輦辭金闕。看燕燕、送歸妾。將軍百戰身名裂。向河梁、回頭萬里。故人長絕。易水蕭蕭西風冷。滿坐衣冠似雪。正壯士、悲歌未徹。啼鳥還知如許恨。料不啼、清淚長啼血。誰共我、醉明月。

又 賦琵琶

鳳尾龍香撥。自開元、霓裳曲罷。幾番風月。最苦潯陽江頭客。畫舸亭亭待發。記出塞、黃雲堆雪。馬上離愁三萬里。望昭陽、宮殿孤鴻沒。絲解語。恨難說。遼陽驛使音塵絕。瑣窗寒、輕攏慢撚。淚珠盈睫。推手含情還卻手。一抹梁州哀徹。千古事、雲飛煙滅。賀老定場無消息。想沈香、亭北繁華歇。彈到此、爲嗚咽。

又

劉 過

老去相如倦。向文君、說似而今。怎生消遣。衣袂京塵曾染處。空有香紅尙軟。料彼此、魂消腸斷。一枕新涼眠客舍。聽梧桐、疏雨秋風顫。燈暈冷。記初見。樓低不放珠簾捲。晚妝殘、翠蛾狼籍。淚痕凝臉。人道愁來須殢酒。無奈愁深酒淺。但託意、焦琴紈扇。莫鼓琵琶江上曲。怕荻花、楓葉俱淒怨。雲萬疊。寸心遠。

又 九日

劉克莊

湛湛長空黑。更那堪、斜風細雨，亂愁如織。老眼平生空四海，賴有高樓百尺。看
浩蕩、千崖秋色。白髮書生神州淚，儘淒涼、不向牛山滴。追往事，去無迹。少年
自負凌雲筆。到而今、春華落盡，滿懷蕭瑟。常恨世人新意少，愛說南朝狂客。把
破帽、年年拈出。若對黃花孤負酒，怕黃花、也笑人岑寂。鴻北去，日西匿。

又

蔣捷

夢冷黃金屋。歎秦箏、斜鴻陣裏，素絃塵撲。化作嬌鶯飛歸去，猶認紗窗舊綠。正
過雨、荆桃如菽。此恨難平君知否，似瓊臺湧起彈棋局。消瘦影，嫌明燭。鴛樓
碎瀉東西玉。問芳蹤、何時再展，翠釵難卜。待把宮眉橫雲樣，描上生綃畫幅。怕
不是、新來妝束。綵扇紅牙今都在，恨無人解聽開元曲。空掩袖，倚寒竹。

摸魚兒

淳熙己亥自湖北漕移湖南同
官王正之置酒小山亭爲賦

辛棄疾

更能消、幾番風雨。匆匆春又歸去。惜春長怕花開早，何況落紅無數。春且住。見

詞

範

卷上

七三

說道、天涯芳草無歸路。怨春不語。算、只有殷勤。畫檐蛛網。盡日惹飛絮。長門
事。準擬佳期又誤。蛾眉曾有人妒。千金縱買相如賦。脈脈此情誰訴。君莫舞。君
不見、玉環飛燕皆塵土。閒愁最苦。休去倚危闌。斜陽正在、煙柳斷腸處。

又 酒邊留同年徐雲屋

劉辰翁

怎知他、春歸何處。相逢且盡尊酒。少年嫋嫋天涯恨。長結西湖煙柳。休回首。但、
細雨斷橋。憔悴人歸後。東風似舊。問、前度桃花。劉郎能記。花復認郎否。君且
住。草草留君翦韭。前宵正恁時候。深杯欲共歌聲滑。翻溼春衫半袖。空眉皺。看、
白髮尊前。已似人人有。臨分把手。歎、一笑論文。清狂顧曲。此會幾時又。

又 春日西湖泛舟

張 翥

漲西湖、半篙新雨。麴塵波外風軟。蘭舟同上鴛鴦浦。天氣嫩寒輕暖。簾半捲。度、
一縷歌雲。不礙桃花扇。鶯嬌燕婉。任、狂客無腸。王孫有恨。莫放酒杯淺。垂楊

岸。何處紅亭翠館。如今遊興全懶。山容水態依然好。惟有綺羅雲散。君不見。歌舞地。青蕪滿目成秋苑。斜陽又晚。正落絮飛花。將春欲去。目送水天遠。

鶯啼序 春晚感懷

吳文英

殘寒正欺病酒。掩沈香繡戶。燕來晚、飛入西城。似說春事遲暮。畫船載、清明過卻。晴煙冉冉吳宮樹。念羈情、游蕩隨風。化爲輕絮。十載西湖。傍柳繫馬。趁嬌塵軟霧。送紅漸、招入仙溪。錦兒偷寄幽素。倚銀屏、春寬夢窄。斷紅溼、歌紈金縷。暝隄空、輕把斜陽。總還鷗鷺。幽蘭旋老。杜若還生。水鄉尙寄旅。別後訪、六橋無信。事往花委。瘞玉埋香。幾番風雨。長波妒盼。遙山羞黛。漁燈分影春江宿。記當時、短楫桃根渡。青樓彷彿。臨分敗壁題詩。淚墨慘淡塵土。危亭望極。草色天涯。歎鬢侵半苧。暗點檢、離痕歡唾。尙染鮫綃。驪鳳迷歸。破鸞慵舞。殷勤待寫。書中長恨。藍霞遼海。沈過雁。漫相思。彈入哀箏柱。傷心千里江南。怨曲重招。斷

詞範
魂在否。

範

卷上

七六

詞範卷上終

詞範卷下

熒爲楊易霖雨蒼選

楊柳枝

劉禹錫

煬帝行宮汴水濱。數株殘柳不勝春。晚來風起花如雪。吹入宮牆不見人。

又

城外春風吹酒旗。行人揮袂日西時。長安陌上無窮樹。唯有垂楊管別離。

又

楊柳青青江水平。聞郎江上唱歌聲。東邊日出西邊雨。道是無晴卻有晴。

又

薛能

華清高樹出深宮。南陌柔條帶晚風。誰見輕陰是良夜。瀑泉聲伴月明中。

又

溫庭筠

詞

範

卷

下

一

宜春苑外最長條。閒裊春風伴舞腰。正是玉人腸絕處。一渠春水赤闌橋。

又

館娃宮外鄴城西。遠映征帆近拂隄。繫得王孫歸意切。不關芳草綠萋萋。

法駕導引

陳與義

朝元路。朝元路。同駕玉華君。千乘載花紅一色。人間遙指是祥雲。回望海光新。

又

東風起。東風起。海上百花搖。十八風鬟雲半動。飛花和雨著輕綃。歸路碧迢迢。

又

煙漠漠。煙漠漠。天淡一簾秋。自洗玉舟斟白醴。月華微映是空舟。歌罷海西流。

歸國謠

馮延巳

寒水碧。水上何人吹玉笛。扁舟遠送瀟湘客。蘆花千里霜月白。傷行色。來朝

便是關山隔。

又

溫庭筠

香玉。翠鳳寶釵垂。最。鈿筐交勝金粟。越羅春水綠。畫堂照簾殘燭。夢餘更漏促。謝娘無限心曲。曉屏山斷續。

又

韋莊

金翡翠。爲我南飛傳我意。看畫橋邊春水。幾年花下醉。別後只知相愧。淚珠難遠寄。羅幕繡幃鴛被。舊歡如夢裏。

望梅花

和凝

春草全無消息。臘雪猶餘蹤跡。越嶺寒枝香自折。冷豔奇芳堪惜。何事壽陽無處覓。吹入誰家橫笛。

又

孫光憲

數枝開與短牆平。見雪萼紅跗相映，引起誰人邊塞情。
愁月正明。空聽隔江聲。
簾外欲三更。吹斷離

生查子

魏承班

煙雨晚晴天。零落花無語。難話此時心。梁燕雙來去。
琴韻對薰風。有恨和情
撫。腸斷斷絃頻。淚滴黃金縷。

又

寂寞畫堂空。深夜垂羅幕。燈暗錦屏欹。月冷珠簾薄。
愁恨夢應成。何處貪歡
樂。看看又春來。還是長蕭索。

又

歐陽修

去年元夜時。花市燈如晝。月上柳梢頭。人約黃昏後。
今年元夜時。月與燈依
舊。不見去年人。淚溼青衫袖。

又

含羞整翠鬟。得意頻相顧。雁柱十三絃。一一春鶯語。處。深院鎖黃昏。陣陣芭蕉雨。

張先

嬌雲容易飛。夢斷知何

又

金鞍美少年。去躍青驄馬。牽繫玉樓人。繡被春寒夜。謝。無處說相思。背面鞦韆下。

晏幾道

消息未歸來。寒食梨花

又

關山魂夢長。塞燕音書少。兩鬢可憐青。只爲相思老。道。真箇別離難。不似相逢好。

歸傍碧紗窗。說與人人

又

春心如杜鵑。日夜思歸切。啼盡一川花。愁落千山月。

向子諲

遙憐白玉人。翠被前香

歇。可憫獨眠寒。減動豐肌雪。

又

春山和恨長。秋水無言度。脈脈復盈盈。幾點梨花雨。深深一段愁。寂寂無行路。推去又還來。沒箇遮攔處。

浣溪沙

顧 夔

紅藕香寒翠渚平。月籠虛閣夜蛩清。塞鴻驚夢兩牽情。寶帳玉爐殘麝冷。羅衣金縷暗塵生。小窗孤燭淚縱橫。

又

惆悵經年別謝娘。月窗花院好風光。此時相望最情傷。青鳥不來傳錦字。瑤姬何處瑤蘭房。忍教魂夢兩茫茫。

又

晏 殊

一曲新詞酒一杯。去年天氣舊池臺。夕陽西下幾時回。
無可奈何花落去。似曾相識燕歸來。小園香徑獨徘徊。

又

一向年光有限身。等閒離別易消魂。酒筵歌席莫辭頻。
滿目山河空念遠。落花風雨更傷春。不如憐取眼前人。

又

歐陽修

紅粉佳人白玉杯。木蘭船穩櫂歌催。綠荷風裏笑聲來。
細雨輕煙籠草樹。斜橋曲水繞樓臺。夕陽高處畫屏開。

又

晏幾道

午醉西橋夕未醒。雨花淒斷不堪聽。歸時應減鬢邊青。
衣化客塵今古道。柳含春意短長亭。鳳樓爭見路旁情。

又丁亥餞元宵

劉 鎮

簾幕收燈斷續紅。歌臺人散彩雲空。夜寒歸路噤魚龍。
宿醉未消花市月。芳心已逐柳塘風。丁寧鶯燕莫怱怱。

又

元好問

芍藥初開百步香。小闌幽徑隔長廊。好花都屬富家郎。
此樂莫教兒輩覺。老夫聊發少年狂。高燒銀燭照紅妝。

巫山一段雲

李 珣

古廟依青嶂。行宮枕碧流。水聲山色鑠妝樓。往事思悠悠。
雲雨朝還暮。煙花春復秋。啼猿何必近孤舟。行客自多愁。

又浮壇峯

趙孟頫

疊嶂千重碧。長江一帶清。瑤壇霞冷月朧明。欹枕若為情。
雲過船窗曉。星移

宿霧晴。古今離恨撥難平。惆悵峽猿聲。

又 雲峯

絕頂朝雲散。寒江暮雨頻。楚王宮殿已成塵。過客轉傷神。月是巫娥伴。花爲宋玉鄰。一聽歌調一含顰。哀怨竹枝春。

又 翠屏峯

碧水澄青黛。危峰聳翠屏。竹枝歌怨月三更。別是斷腸聲。煙外黃牛峽。雲邊白帝城。扁舟清夜泊蘋汀。倚櫂不勝情。

又 繁蕩峯

鶴信三山遠。羅裙片水深。高唐春夢杳難尋。惆悵到如今。十二峰前月。三千里外心。紅牋錦字信沈沈。腸斷舊香衾。

又

柳永

六六真遊洞。三三物外天。九班麟穩破非煙。何處按雲軒。昨夜麻姑陪宴。又話蓬萊清淺。幾回山脚弄雲濤。彷彿見金黿。

又

琪樹羅三殿。金龍抱九關。上清真籍總羣仙。朝拜五雲間。昨夜紫微詔下。急喚天書使者。令齋瑤檢降彤霞。重到漢皇家。

又

清旦朝金母。斜陽醉玉龜。天風搖曳六銖衣。鶴背覺孤危。貪看海蟾狂戲。不道九關齊閉。相將何處寄良宵。還去訪三茅。

又

閬苑年華永。嬉遊別是情。人閒三度見河清。一番碧桃成。金母忍將輕摘。留宴鰲峰真客。紅猊閒臥吠斜陽。方朔敢偷嘗。

又

蕭氏賢夫婦。茅家好弟兄。羽輪飄駕赴層城。高會盡仙卿。一曲雲謠爲壽。倒盡金壺碧酒。醺酣爭撼白榆花。躡碎九光霞。

更漏子

溫庭筠

柳絲長。春雨細。花外漏聲迢遞。驚塞雁。起城烏。畫屏金鷓鴣。香霧薄。透簾幕。惆悵謝家池閣。紅燭背。繡簾垂。夢長君不知。

又

星斗稀。鐘鼓歇。簾外曉鶯殘月。蘭露重。柳風斜。滿庭堆落花。虛閣上。倚闌望。還似去年惆悵。春欲暮。思無窮。舊歡如夢中。

又

玉爐香。紅蠟淚。偏照畫堂秋思。眉翠薄。鬢雲殘。夜長衾枕寒。梧桐樹。三更雨。

詞

範

卷下

一一

不道離情正苦。一葉葉。一聲聲。空階滴到明。

又

牛 嶠

春夜闌。更漏促。金燼暗挑殘燭。驚夢斷。錦屏深。兩鄉明月心。
還是不知消息。辜負我。悔憐君。告天天不聞。 閨草碧。望歸客。

又

馮延巳

秋水平。黃葉晚。落日渡頭雲散。捲珠箔。挂金鉤。暮潮人倚樓。
歌罷不勝沈醉。消息遠。夢魂狂。酒醒空斷腸。 歡娛地。思前事。

河濱神

溫庭筠

河上望叢祠。廟前春雨來時。楚山無限鳥飛遲。蘭棹空傷別離。
不歇。豔紅開盡如血。蟬鬢美人愁絕。百花芳草佳節。 何處杜鵑啼。

又

孤廟對寒潮。西陵風雨蕭蕭。謝娘惆悵倚蘭橈。淚流玉筍千條。暮天愁聽思歸落。早梅香滿山郭。迴首兩情蕭索。離魂何處飄泊。

又

銅鼓賽神來。滿庭幡蓋徘徊。水村江浦過風雷。楚山如畫煙開。離別櫓聲空蕭索。玉容惆悵妝薄。青麥燕飛落落。捲簾愁對珠閣。

又

孫光憲

汾水碧依依。黃雲落葉初飛。翠蛾一去不言歸。廟門空掩斜暉。四壁陰森排古畫。依舊瓊輪羽駕。小殿沈沈清夜。銀燈飄落香爇。

河傳

顧夔

權舉舟去。波光渺渺。不知何處。岸花汀草共依依。雨微鷓鴣相逐飛。天涯離恨江聲咽。啼猿切。此意向誰說。倚蘭橈。無慘。魂銷小鑪香欲焦。

詞

範

卷下

一三

又

湖上。門望。雨蕭蕭。煙浦花橋路遙。謝娘翠蛾愁不銷。終朝。夢魂迷晚潮。蕩子天涯歸擢遠。春已晚。鶯語空腸斷。若耶溪。溪水西。柳隄。不聞郎馬嘶。

溫庭筠

又

風颭。波斂。團荷閃閃。珠傾露點。木蘭舟上。何處吳娃越豔。藕花紅照臉。大隄狂殺襄陽客。煙波隔。渺渺湖光白。身已歸。心不歸。斜暉。遠汀鷓鴣飛。

孫光憲

又

去去。何處。迢迢巴楚。山水相連。朝雲暮雨。依舊十二峰前。猿聲到客船。愁腸豈異丁香結。因離別。故國音書絕。想佳人。花下對明月。春風恨應同。

李 珣

木蘭花

孟 昶

冰肌玉骨清無汗。水殿風來暗香滿。繡簾一點月窺人。欹枕釵橫雲鬢亂。起

來庭戶寂無聲。時見疏星度河漢。屈指西風幾時來。只恐流年暗中換。

又

錢惟演

城上風光鶯語亂。城下煙波春拍岸。綠楊芳草幾時休。淚眼愁腸先已斷。情
懷漸覺成衰晚。鸞鏡朱顏驚暗換。昔年多病厭芳尊。今日芳尊惟恐淺。

又

晏殊

燕鴻過後鶯歸去。細算浮生千萬緒。長於春夢幾多時。散似秋雲無覓處。聞
琴解佩神仙侶。挽斷羅衣留不住。勸君莫作獨醒人。爛醉花間應有數。

又

池塘水綠風微暖。記得玉真初見面。重頭歌韻響琤琮。入破舞腰紅亂旋。玉
鉤闌下香階畔。醉後不知斜日晚。當時共我賞花人。點檢如今無一半。

又

詞

範

卷下

一五

綠楊芳草長亭路。年少拋人容易去。樓頭殘夢五更鐘。花底離愁三月雨。無情不似多情苦。一寸還成千萬縷。天涯地角有窮時。只有相思無盡處。

又

宋 祁

東城漸覺風光好。皴縠波紋迎客棹。綠楊煙外曉雲輕。紅杏枝頭春意鬧。浮生長恨歡娛少。肯愛千金輕一笑。爲君持酒勸斜陽。且向花間留晚照。

又

歐陽修

別後不知君遠近。觸目淒涼多少悶。漸行漸遠漸無書。水闊魚沈何處問。夜深風竹敲秋韻。萬葉千聲皆是恨。故欹單枕夢中尋。夢又不成燈又燼。

又

柳 永

皇都今夕知何夕。特地風光盈綺陌。金絲玉管咽春空。蠟炬蘭燈燒曉色。鳳樓十二神仙宅。珠履三千鵷鷺客。金吾不禁六街遊。狂殺雲蹤并雨迹。

又

晏幾道

東風又作無情計。豔粉嬌紅吹滿地。碧樓簾影不遮愁。還似去年今日意。誰
知錯管春殘事。到處登臨曾費淚。此時金盞直須深。看盡落花能幾醉。

又

鞦韆院落重簾暮。彩筆閒來題繡戶。牆頭丹杏雨餘花。門外綠楊風後絮。朝
雲信斷知何處。應作襄王春夢去。紫騮認得舊游蹤。嘶過畫橋東畔路。

又

王詵

錦城春色花無數。排比笙歌留客住。輕寒輕暖袷衣天。乍雨乍晴寒食路。花
雖不語鶯能語。莫放韶光容易去。海棠開後月明前。縱有千金無買處。

又

嚴仁

春風只在園西畔。薺菜花繁蝴蝶亂。冰池晴綠照還空。香徑落紅吹已斷。意

詞

範

卷下

一七

長翻恨游絲短。盡日相思羅帶緩。寶匳如月不欺人。明日歸來君試看。

夜游宮

周邦彥

葉下斜陽照水。捲輕浪、沈沈千里。橋上酸風射眸子。立多時。看黃昏燈火市。古屋寒窗底。聽幾片、井桐飛墜。不戀單衾再三起。有誰知。爲蕭娘書一紙。

又

吳文英

人去西樓雁杳。敘別夢、揚州一覺。雲淡星疏楚山曉。聽啼鳥。立河橋。話未了。雨外蛩聲早。細織就、霜絲多少。說與蕭娘未知道。向長安對秋燈。幾人老。

淡黃柳

客居合肥南城赤闌橋之西巷陌淒涼與紅左
非唯柳色夾道依依可憐因度此曲以舒客懷

姜夔

空城曉角。吹入垂楊陌。馬上單衣寒惻惻。看盡鵝黃嫩綠。都是江南舊相識。正岑寂。明朝又寒食。強攜酒。小橋宅。怕梨花落盡成秋色。燕燕飛來。問春何在。唯有池塘自碧。

三奠子 同國器帥良佐仲澤置酒南陽故城

元好問

上、高城置酒。遙望春陵。興與廢。兩虛名。江山埋王氣。草木動威靈。中原鹿。千年後。儘人爭。風雲寤寐。鞍馬生平。鍾鼎上。幾書生。軍門高密策。田畝臥龍耕。南陽道。西山色。古今情。

西施

柳永

苧蘿妖豔世難偕。善媚悅君懷。後庭恃寵。盡使絕嫌猜。正恁朝歡暮樂。情未足。早、江上兵來。捧心調態。軍前死。羅綺旋變塵埃。至今想。怨魂無主。尙徘徊。夜夜姑蘇城外。當時月。但、空照荒臺。

雜亭燕懷古

孫浩然

一帶江山如畫。風物向秋瀟灑。水浸碧天。河處斷。霽色冷光相射。蓼嶼荻花洲。掩映竹籬茅舍。雲際客帆高挂。煙外酒帘低亞。多少六朝興廢事。盡入漁樵。

閒話。悵望倚層樓。寒日無言西下。

河滿子

孫洙

悵望浮生急景。淒涼寶瑟餘音。楚客多情偏怨別。碧山遠水登臨。目送連天衰草。夜闌幾處疏砧。黃葉無風自落。秋雲不雨長陰。天若有情天亦老。搖搖幽恨難禁。惆悵舊歡如夢。覺來無處追尋。

鬪百花

柳永

煦色韶光明媚。輕靄低籠芳樹。池塘淺蘸煙蕪。簾幕閒垂風絮。春困厭厭。拋擲鬪草工夫。冷落躡青心緒。終日扃朱戶。遠恨綿綿。淑景遲遲難度。年少傅粉。依前醉眠何處。深院無人。黃昏乍拆鞦韆。空鎖滿庭花雨。

八六子

秦觀

倚危亭。恨如芳草。萋萋剗盡還生。念柳外青驄別後。水邊紅袂分時。愴然暗驚。

無端天與娉婷。夜月一簾幽夢。春風十里柔情。怎奈向、歡娛漸隨流水。素絃聲斷。翠綃香減。那堪片片飛花弄晚。濛濛殘雨籠晴。正消凝。黃鸝又啼數聲。

卜算子

柳永

江楓漸老。汀蕙半凋。滿目敗紅衰翠。楚客登臨。正是暮秋天氣。引、疏砧斷續殘陽裏。對晚景、傷懷念遠。新愁舊恨相繼。脈脈人千里。念兩處風情。萬重煙水。雨歇天高。望斷翠峰十二。儘無言。誰會憑高意。縱寫得、離腸萬種。奈歸雲誰寄。

芳草渡

周邦彥

昨夜裏、又再宿桃源。醉邀仙侶。聽碧窗風快。珠簾半卷。疏雨多少。離恨苦。方留連。啼訴。風帳曉。又是忽忽。獨自歸去。愁覩滿懷淚粉。瘦馬衝泥尋去路。漫回首。煙迷望眼。依稀見朱戶。似癡似醉。暗惱損、凭門情緒。淡暮色、看盡棲鴉亂舞。

采蓮令

柳永

月華收。雲淡霜天曙。西征客、此時情苦。翠娥執手送臨歧。軋軋開朱戶。千嬌面、盈盈竚立。無言有淚。斷腸爭忍回顧。一葉蘭舟便恁急。槩凌波去。貪行色。豈知離緒。萬般方寸。但飲恨、脈脈同誰語。更回首、重城不見。寒江天外。隱隱兩三煙樹。

玉京秋 長安獨客又見西風素月丹楓淒然其為秋也因調夾鐘羽一解

周 密

煙水闊。高林弄殘照。晚蜩淒切。碧砧度韻。銀牀飄葉。衣溼桐陰露冷。采涼花、時賦秋雪。歎輕別。一襟幽事。砌蟲能說。客思吟商還怯。怨歌長。瓊壺暗缺。翠扇恩疏。紅衣香褪。翻成消歇。玉骨西風恨最恨。閒卻新涼時節。楚簫咽。誰寄西樓淡月。

淒涼犯

姜 夔

合肥巷陌皆種柳秋風夕起竊竊然予客居闔戶時聞馬嘶出城四顧則荒煙野草不勝淒黯乃著此解琴有淒涼調假以為名凡曲言犯者

謂以宮犯商。商犯宮之類。如道調宮上字住。雙調亦上字住。所住字同。故道調曲中犯雙調。或于雙調曲中犯道調。其他準此。唐人樂書云。犯有正旁偏側。宮犯宮爲正。宮犯商爲旁。宮犯角爲偏。宮犯羽爲側。此說非也。十二宮所住字各不同。不容指犯十二宮。特可犯商角羽耳。予嘗行都。以此曲示國工田正德。使以啞聲粟角吹之。其韻極美。亦曰瑞鶴仙影。

綠楊巷陌秋風起。邊城一片離索。馬嘶漸遠。人歸甚處。戍樓吹角。情懷正惡。更衰草寒煙淡薄。似當時、將軍部曲。迤邐度沙漠。追念西湖上。小舫攜歌。晚花行樂。舊遊在否。想如今、翠凋紅落。漫寫羊裙等。新雁來時繫著。怕怱怱、不肯寄與。誤後約。

雪梅香

柳永

景蕭索。危樓獨立面晴空。動悲秋情緒。當時宋玉應同。漁市孤煙裊。寒碧。水村殘葉舞。愁紅。楚天闊。浪浸斜陽。千里溶溶。臨風想佳麗。別後愁顏。鎮斂眉峰。可惜當年。頓乖雨迹雲蹤。雅態妍姿正歡洽。落花流水忽西東。無慘恨。相思意

盡分付征鴻。

六么令 七夕

吳文英

露蛩初響。機杼還催織。婺星爲情慵嬾。竚立明河側。不見津頭艇子。望絕南飛翼。雲梁千尺。塵緣一點。回首西風又陳迹。那知天上計拙。乞巧樓南北。瓜果幾度淒涼。寂寞羅池客。人事回廊縹緲。誰見金釵擘。今夕何夕。杯殘月墮。但耿銀河漫天碧。

玉漏遲 壬辰圍城中有懷浙江別業

元好問

浙江歸路杳。西南卻羨。投林高鳥。升斗微官。世累苦相縈繞。不似麒麟殿裏。又不與、巢由同調。時自笑。虛名負我。平生吟嘯。擾擾馬足車塵。被歲月無情。暗消年少。鐘鼎山林。一事幾時曾了。四壁秋蟲夜雨。更一點、殘燈斜照。清鏡曉。白髮又添多少。

鳳凰臺上憶吹簫

李清照

香冷金猊。被翻紅浪。起來慵自梳頭。任寶奩塵滿。日上簾鉤。生怕離懷別苦。多
少事、欲說還休。新來瘦、非干病酒。不是悲秋。休休。者回去也。千萬徧陽關。也
則難留。念武陵人遠。煙鎖秦樓。惟有樓前流水。應念我、終日凝眸。凝眸處、從今
又添一段新愁。

天香

賀鑄

煙絡橫林。山沈遠照。暹迤黃昏鐘鼓。燭映簾櫳。蛩催機杼。共苦清秋風露。不眠
思婦。齊應和、幾聲砧杵。驚動天涯倦宦。駸駸歲華行暮。當年酒狂自負。謂東
君、以春相付。流浪征騶北道。客檣南浦。幽恨無人晤語。賴明月曾知舊游處。好
伴雲來。還將夢去。

帝臺春

李甲

芳草碧色。萋萋徧南陌。暖絮亂紅也似知人。春愁無力。憶得盈盈拾翠侶。共攜賞。鳳城寒食。到今來、海角逢春。天涯爲客。愁旋釋。還似織。淚暗拭。又偷滴。漫倚徧危闌。儘黃昏也。只是暮雲凝碧。拚則而今已拚了。忘則怎生便忘得。又還問鱗鴻。試重尋消息。

聲聲慢

李清照

尋尋覓覓。冷冷清清。淒淒慘慘戚戚。乍暖還寒時候。最難將息。三杯兩盞淡酒。怎敵他、晚來風急。雁過也。最傷心卻是舊時相識。滿地黃花堆積。憔悴損、如今有誰堪摘。守著窗兒。獨自怎生得黑。梧桐更兼細雨。到黃昏、點點滴滴。者次第。怎一箇、愁字了得。

長亭怨慢

姜夔

余頗喜自製曲。初率意爲長短句。然後協以律。故前後闕多不同。桓大司馬云。昔年種柳依依。漢南今看搖落。悽愴江潭。樹猶如此。人何以堪。

此語余
深愛之

漸吹盡、枝頭香絮。是處人家、綠深門戶。遠浦縈回，暮帆零亂，向何許。閱人多矣。誰得似、長亭樹。樹若有情時，不會得、青青如此。日暮望、高城不見，只見亂山無數。韋郎去也。怎忘得、玉環分付。第一是、早早歸來，怕紅萼、無人為主。算、空有并刀，難翦離愁千縷。

迷神引

柳永

一葉扁舟輕帆捲。暫泊楚江南岸。孤城暮角，引胡笳怨。水茫茫、平沙雁。旋驚散。煙斂寒林簇。畫屏展。天際遙山小。黛眉淺。舊賞輕拋。到此成游宦。覺客程勞。年光晚。異鄉風物，忍蕭索、當愁眼。帝城賒。秦樓阻。旅魂亂。芳草連空闊。殘照滿。佳人無消息。斷雲遠。

又 玉溪對江山作

晁補之

黯黯青山紅日暮。浩浩大江東注。餘霞散綺。回向煙波路。使人愁。長安遠。在何處。幾點漁燈小。迷近塢。一片客帆低。傍前浦。暗想平生。自悔儒冠誤。覺阮途窮。歸心阻。斷魂素月。一千里。傷平楚。怪竹枝歌。聲聲怨。爲誰苦。猿鳥一時啼。驚鳥嶼。燭暗不成眠。聽津鼓。

卜算子慢

張先

溪山別意。煙樹去程。日落采蘋春晚。欲上征鞍。更掩翠簾同面。相盼。惜彎彎淺黛長長眼。奈畫閣歡游也。學狂花亂絮輕散。水影橫池館。對靜夜無人。月高雲遠。一餉凝思。兩袖淚痕還滿。難遣。恨私書又逐東風斷。縱夢澤層樓萬尺。望重城那見。

應天長

周邦彥

條風布暖。霏霧弄晴。池臺徧滿春色。正是夜堂無月。沈沈暗寒食。梁間燕。前社

客似笑我、閉門愁寂。亂花過、隔院芸香滿地狼藉。長記那回時、邂逅相逢郊外駐油壁。又見漢宮傳燭、飛煙五侯宅。青青草、迷路陌、強載酒、細尋前迹。市橋遠、柳下人家、猶自相識。

又

康與之

管絃繡陌、燈火畫橋、塵香舊時歸路。腸斷蕭娘、舊日風簾映朱戶。鶯能舞、花解語。念後約、頓成輕負。緩雕轡、獨自歸來、凭闌情緒。楚岫在何處。香夢悠悠、花月更誰主。惆悵後期、空有鱗鴻寄紈素。枕前淚、窗外雨。翠幕冷、夜涼虛度。未應信、此度相思、寸腸千縷。

揚州慢

姜夔

淳熙丙申至日、余過維揚、夜雪初霽、養麥滿望、入其城、則四顧蕭條、寒水自碧、暮色漸起、戍角悲吟、余懷愴然、感慨今昔、因自度此曲、千巖老人以爲有黍離之悲也。

詞

範

卷

下

二九

淮左名都。竹西佳處。解鞍少駐初程。過春風十里，盡薺麥青青。自胡馬窺江去後，廢池喬木，猶厭言兵。漸黃昏，清角吹寒，都在空城。杜郎俊賞，算而今、重到須驚。縱豆蔻詞工，青樓夢好，難賦深情。二十四橋仍在，波心蕩，冷月無聲。念橋邊紅萼，年年知爲誰生。

雙雙燕 詠燕

史達祖

過春社了。度簾幕中間。去年塵冷。差池欲住，試入舊巢相並。還相雕梁藻井。又軟語、商量不定。飄然快拂花梢，翠尾分開紅影。芳徑。芹泥雨潤。愛貼地、爭飛競誇輕俊。紅樓歸晚，看足柳昏花暝。應自棲香正穩。便忘了、天涯芳信。愁損翠黛雙蛾。日日畫闌獨凭。

鳳簫吟

韓 縝

鎖離愁。連絲無際。來時陌上初熏。繡幃人念遠，暗垂珠露。泣送征輪。長行長在

眼更重重。遠水孤雲。但望極樓高。盡日日斷王孫。消魂。池塘別後。曾行處。綠
妒輕裙。恁時攜素手。亂花飛絮裏。緩步香茵。朱顏空自改。向年年。芳意長新。徧
綠野嬉游。醉眼莫負青春。

玉胡蝶

柳永

望處雨收雲斷。憑闌悄悄。目送秋光。晚景蕭疏。堪動宋玉悲涼。水風輕、蘋花漸
老。月露冷、梧葉飄黃。遣情傷。故人何在。煙水茫茫。難忘。文期酒會。幾孤風月。
屢變星霜。海闊山遙。未知何處是瀟湘。念雙燕、難憑音信。指暮天、空識歸航。黯
相望。斷鴻聲裏。立盡斜陽。

瑣窗寒

周邦彥

暗柳啼鴉。單衣竚立。小簾朱戶。桐花半畝。靜鎖一庭愁雨。灑空階、夜闌未休。故
人翦燭西窗語。似楚江暝宿。風燈零亂。少年羈旅。遲暮。嬉游處。正店舍無煙。

禁城百五。旗亭喚酒。付與高陽儔侶。想東園桃李自春。小脣秀靨今在否。到歸時、定有殘英待客攜尊俎。

秋宵吟

姜夔

古簾空。墜月皎。坐久西窗人悄。蛩吟苦。漸漏水丁丁。箭壺催曉。引涼颺。動翠葆。露脚斜飛雲表。因嗟念、似去國情懷。暮帆煙草。帶眼銷磨。爲近日、愁多頓老。衛娘何在。宋玉歸來。兩地暗縈繞。搖落江楓早。嫩約無憑。幽夢又杳。但盈盈、淚灑單衣。今夕何夕恨未了。

月下笛

瓜步萬竹山中翳門落葉愁思黯然因動黍離之感時寓甬東積翠山舍

張炎

萬里孤雲。清游漸遠。故人何處。寒窗夢裏。猶記經行舊時路。連昌約略無多柳。第一是、難聽夜雨。漫驚回、淒悄相看燭影。擁衾無語。張緒歸何暮。半零落、依依斷橋鷗鷺。天涯倦旅。此時心事良苦。只愁重灑西州淚。問杜曲人家在否。恐

翠袖天寒，猶倚梅花那樹。

解語花 上元

周邦彥

風消燄蠟，露浥烘鑪。花市光相射。桂華流瓦。纖雲散，耿耿素娥欲下。衣裳淡雅。看楚女、纖腰一把。簫鼓喧，人影參差，滿路飄香麝。因念都城放夜，望千門如畫。嬉笑游冶。鈿車羅帕。相逢處，自有暗塵隨馬。年光是也。惟只見、舊情衰謝。清漏移、飛蓋歸來，從舞休歌罷。

湘月

姜夔

長溪場聲伯典長沙揖權居瀕湘江窗間所見如燕公郭熙畫圖臥起
幽適丙午七月既望聲伯約予與趙景魯景望蕭和父裕父時父恭父
大舟浮湘放乎中流山水空寒煙月交映淒然其爲秋也坐客皆小冠
綠服或彈琴或浩歌或自酌或援筆搜句予度此曲卽念奴嬌之鬲指
聲也于雙調中吹之鬲指亦謂之過腔
見晁無咎集凡能吹竹者便能過腔也

五湖舊約，問經年底事，長負清景。暝入西山，漸喚我一葉夷猶乘興。倦網都收。

詞

範

卷 下

三三

歸禽時度。月上汀洲冷。中流容與。畫橈不點清鏡。誰解喚起湘靈。煙鬟霧鬢。理哀絃。鴻陣。玉塵談玄。歎坐客、多少風流名勝。暗柳蕭蕭。飛星冉冉。夜久知秋。信鱸魚應好。舊家樂事誰省。

琵琶仙

姜夔

吳都賦云戶藏煙浦家具畫船惟吳興爲然春游之盛西
陰未能過也已酉歲余與蕭時父載酒南郭感遇成歌

雙槳來時有人似。舊曲桃根桃葉。歌扇輕約飛花。蛾眉正奇絕。春漸遠、汀洲自綠。更添了、幾聲啼鴉。十里揚州。三生杜牧。前事休說。又還是、宮燭分煙。奈愁裏、忽忽換時節。都把一襟芳思。與空階榆莢。千萬縷、藏鴉細柳。爲玉尊、起舞回雪。想見西出陽關。故人初別。

滿朝歡

柳永

花隔銅壺。露晞金掌。都門十二清曉。帝里風光爛漫。偏愛春杪。煙輕畫永。引鶯

轉上林。魚遊靈沼。巷陌乍晴。香塵染惹。垂楊芳草。因念秦樓彩鳳。楚觀朝雲。往昔曾迷歌笑。別來歲久。偶憶歡盟重到。人面桃花。未知何處。但掩朱扉悄悄。盡日竚立無言。贏得淒涼懷抱。

桂枝香

王安石

登臨送目。正故國晚秋。天氣初肅。千里澄江似練。翠峰如簇。歸帆去櫂斜陽裏。背西風、酒旗斜矗。彩舟雲淡。星河鷺起。畫圖難足。念往昔、繁華競逐。歎門外、樓頭悲恨相續。千古憑高對此。漫嗟榮辱。六朝舊事如流水。但寒煙衰草凝綠。至今商女。時時猶唱。後庭遺曲。

霓裳中序第一

姜夔

丙午歲留長沙登祝融因得其祠神之曲曰黃帝鹽蘇合香又于樂工
藏書中得商調霓裳曲十八闕皆虛譜無辭按沈氏樂律霓裳道調此
乃商調樂天詩云散序六闕此特兩闕未知孰是然音節間雅不類今
三子不暇盡作中序一闕傳于世予方羈遊感此古音不自知其辭

之怨
於也

亭皋正望極。亂落江蓮歸未得。多病卻無氣力。況、紈扇漸疏。羅衣初索。流光過隙。歎、杏梁雙燕如客。人何在。一簾淡月。彷彿照顏色。幽寂。亂蛩吟壁。動、庾信清愁似織。沈思年少浪迹。笛裏關山。柳下坊陌。墜紅無信息。漫、暗水娟娟溜碧。漂零久而今何意。醉臥酒鑪側。

翠樓吟

姜夔

淳熙丙午冬武昌安遠樓成與劉去非諸友落之度曲見志予去武昌十年故人有泊舟鸚鵡洲者聞小姬歌此詞問之頗能道其事還吳爲予言之興懷昔游且傷今之離索也

月冷龍沙。塵清虎落。今年漢酺初賜。新翻胡部曲。聽、氈幕元戎歌吹。層樓高峙。看、檻曲縈紅。檐牙飛翠。人姝麗。粉香吹下。夜寒風細。此地宜有詞仙。擁、素雲黃鶴。與君遊戲。玉梯凝望久。歎、芳草淒淒千里。天涯情味。仗、酒被清愁。花銷英

氣。西山外。晚來還捲一簾秋霽。

雨霖鈴

柳永

寒蟬淒切。對長亭晚。驟雨初歇。都門帳飲無緒。留戀處、蘭舟催發。執手相看淚眼，竟無語凝噎。念去去、千里煙波，暮靄沈沈楚天闊。多情自古傷離別。更那堪、冷落清秋節。今宵酒醒何處。楊柳岸、曉風殘月。此去經年，應是良辰好景虛設。便縱有、千種風情，更與何人說。

石州慢

賀鑄

薄雨收寒。斜照弄晴。春意空闊。長亭柳色纔黃，倚馬何人先折。煙橫水漫，映帶幾點歸鴉。平沙消盡龍荒雪。猶記出關來，恰如今時節。將發。畫樓芳酒，紅淚清歌，便成輕別。回首經年，杳杳音塵都絕。欲知方寸，共有幾許新愁。芭蕉不展丁香結。憔悴一天涯，兩厭厭風月。

又

張元幹

寒水依痕。春意漸回。沙際煙闊。溪梅晴照。生香冷蕊。數枝爭發。天涯舊恨。試看
幾許消魂。長亭門外山重疊。不盡眼中青。是愁來時節。情切。畫樓深閉。想見
東風暗消肌雪。孤負枕前雲雨。尊前花月。心期切處。更有多少淒涼。殷勤留與
歸時說。到得再相逢。恰經年離別。

宴清都

周邦彥

地僻無鐘鼓。殘燈滅、夜長人倦難度。寒吹斷梗，風翻暗雪，灑窗填戶。賓鴻漫說
傳書，算過盡、千儔萬侶。始信得、庾信愁多，江淹恨極須賦。淒涼病損文園，微
絃乍拂，音韻先苦。淮山夜月，金城暮草，夢魂飛去。秋霜半入清鏡，歎帶眼、都移
舊處。更久長、不見文君，歸時認否。

氏州第一

周邦彥

波落寒汀。村渡向晚。遙看數點帆小。亂葉翻鴉。驚風破雁。天角孤雲縹緲。官柳
蕭疏甚。尙挂、微微殘照。景物關情。川途換目。頓來催老。漸解狂朋歡意少。奈
猶被、思牽情繞。坐上琴心。機中錦字。覺最縈懷抱。也知人、懸望久。薔薇謝、歸來
一笑。欲夢高唐。未成眠。霜空又曉。

拜星月慢

周邦彥

夜色催更。清塵收露。小曲幽坊月暗。竹檻燈窗。識秋娘庭院。笑相遇。似覺瓊枝
玉樹。暖日明霞光爛。水眇蘭情。總平生稀見。畫圖中。舊識春風面。誰知道、自
到瑤臺畔。眷戀雨潤雲溫。苦驚風吹散。念荒寒、寄宿無人館。重門閉。敗壁秋蟲
歎。乍奈向、一縷相思。隔溪山不斷。

花犯 梅花

周邦彥

粉牆低。梅花照眼。依然舊風味。露痕輕綴。疑淨洗鉛華。無限佳麗。去年勝賞曾

孤倚。冰盤同燕喜。更可惜、雪中高樹。香篝熏素被。今年對花最怱怱。相逢似有恨。依依愁悴。吟望久。青苔上。旋看飛墜。相將見、翠丸薦酒。人正在、空江煙浪裏。但夢想、一枝瀟灑。黃昏斜照水。

瑤華

周密

后土之花天下無二本方其初開帥臣以金紙飛騎進之天上聞亦分致貴邸余客輦下有以一枝 下缺

朱鈿寶玦。天上飛瓊比。人間春別。江南江北曾未見。漫擬梨雲梅雪。淮山春晚。問誰識、芳心高潔。消幾番、花落花開。老了玉關豪傑。金壺翦送瓊枝。看一騎紅塵。香度瑤闕。韶華正好。應自喜、初識長安蜂蝶。杜郎老矣。想舊事、花須能說。記少年、一夢揚州。二十四橋明月。

瑞鶴仙

周邦彥

悄、郊原帶郭。行路永、客去車塵漠漠。斜陽映山落。斂餘紅猶戀。孤城闌角。凌波

步弱。過短亭。何用素約。有流鶯勸我。重解繡鞍。緩引春酌。不記歸時早暮。上馬誰扶。醒眠朱閣。驚飄動幕。扶殘醉。繞紅藥。歎西園已是。花深無地。東風何事。又惡。任流光過卻。猶喜洞天自樂。

又

袁去華

郊原初過雨。見數葉零亂。風定猶舞。斜陽挂深樹。映濃愁淺黛。遙山眉嫵。來時舊路。尚巖花、嬌黃半吐。到而今、惟有溪邊流水。見人如故。無語。郵亭深靜。下馬還尋。舊曾題處。無聊倦旅。傷離恨、最愁苦。縱收香藏鏡。他年重到。人面桃花在否。念沈沈、小閣幽窗。有時夢去。

又

周邦彥

暖煙籠細柳。弄萬縷千絲。年年春色。晴風蕩無際。濃於酒。偏醉情人調客。闌干倚處。度花香、微散酒力。對重門半掩。黃昏淡月。院宇深寂。愁極。因思前事。洞

房佳宴。正值寒食。尋芳遍賞。金谷里。銅駝陌。到而今。魚雁沈沈無信息。天涯常是淚滴。早歸來。雲館深處。那人正憶。

雙聲子

柳 永

晚天蕭索。斷蓬蹤迹。乘興蘭橈東遊。三吳風景。姑蘇臺榭。牢落暮靄初收。夫差舊國。香徑沒。徒有荒丘。繁華處。悄無覩。惟聞麋鹿呦呦。想當年。空運籌。決戰圖王取霸。無休。江山如畫。雲濤煙浪。翻輸范蠡扁舟。驗前經舊史。嗟漫載。當日風流。斜陽暮草茫茫。盡成萬古遺愁。

安平樂慢

都門池苑應制

万俟詠

瑞日初遲。緒風乍暖。千花百草爭香。瑤池路穩。閬苑春深。雲樹水殿相望。柳曲沙平。看塵隨青蓋。絮惹紅妝。賣酒綠陰旁。無人。不醉春光。有十里笙歌。萬家羅綺。身世疑在仙鄉。行樂知無禁。五侯半隱。少年場。舞妙歌妍。空妬得。鶯嬌燕

忙。念芳菲，都來幾日，不堪風雨疎狂。

還京樂

周邦彥

禁煙近，觸處浮香秀色相料理。正泥花時候，奈何客裏，光陰虛費。望箭波無際，迎風漾日黃雲委。任去遠，中有萬點相思清淚。到長淮底，過當時樓下，殷勤爲說。春來羈旅，況味堪嗟，誤約乖期。向天涯，自看桃李。想而今，應恨墨盈牋，愁妝照水。怎得青鸞翼，飛歸教見憔悴。

青房並蒂蓮

王沂孫

醉凝眸。是楚天秋曉，湘岸雲收。草綠蘭紅，淺淺小汀洲。芰荷香裏鴛鴦浦，恨菱歌驚起眠鷗。望去帆，一片孤光，權聲伊軋艣聲柔。愁窺汴隄翠柳，曾舞送當時，錦纜龍舟。擁傾國、纖腰皓齒，笑倚迷樓。空令五湖夜月，也羞照、三十六宮秋。正朗吟，不覺回橈，水花風葉兩悠悠。

曲游春

周 密

禁煙湖上薄游。施中山賦詞甚佳。余因次其韻。蓋平時游舫至午後則盡入裏湖。抵暮始出。斷橋小駐而歸。非習於游者不知也。故中山亟擊節。余閒卻半湖春色之句。謂能道人之所未云。

禁苑東風外。颺暖絲晴絮。春思如織。燕約鶯期。惱芳情、偏在翠深紅隙。漠漠香塵隔。沸十里、亂絲叢笛。看畫船盡入西泠。閒卻半湖春色。柳陌新煙凝碧。映簾底宮眉。隄上游勒。輕暝籠寒。怕梨雲夢冷。柔香愁冪。歌管酬寒食。奈蝶怨、良宵岑寂。正滿湖碎月。搖花怎生去得。

歸朝歡

柳 永

別岸扁舟三兩隻。葭葦蕭蕭風淅淅。沙汀宿雁破煙飛。溪橋殘月和霜白。漸漸分曙色。路遙山遠多行役。往來人、隻輪隻槳。盡是利名客。一望鄉關煙水隔。轉覺歸心生羽翼。愁雲恨雨兩牽縈。新春殘臘相催逼。歲華都瞬息。浪萍風梗

誠何益。歸去來。玉樓深處。有箇人相憶。

傾杯

柳永

鶯落霜洲。雁橫煙渚。分明畫出秋色。暮雨乍歇。小楫夜泊。宿葦村山驛。何人月下臨風處。起一聲羌笛。離愁萬緒。聞岸草、切切蛩吟如織。爲憶芳容別後。水遙山遠。何計憑鱗翼。想繡閣深沈。爭知憔悴。損天涯行客。楚峽雲歸。高陽人散。寂寞狂蹤迹。望京國。空目斷、遠峰凝碧。

二郎神

柳永

炎光謝。過暮雨、芳塵輕灑。乍露冷風清。庭戶爽。天如水。玉鉤遙挂。應是星娥嗟久阻。敝舊約、飄輪欲駕。極目處、微雲暗度。耿耿銀河高瀉。閒雅。須知此景。古今無價。蓮巧思、穿鍼樓上。女擡粉面。雲鬢相亞。鈿合金釵私語處。算誰在、回廊影下。願天上人間。占得歡娛。年年今夜。

綺寮怨

周邦彥

上馬人扶殘醉。曉風吹未醒。映水曲、翠瓦朱檐。垂楊裏、乍見津亭。當時曾題敗壁。蛛絲罩、淡墨苔暈青。念去來、歲月如流。徘徊久、歎息愁思盈。去去倦尋路。江陵舊事。何曾再問楊瓊。舊曲淒清。斂愁黛、與誰聽。尊前故人如在。想念我、最關情。何須渭城。歌聲未盡處。先淚零。

望南雲慢

木芙蓉

沈 唐

木葉輕飛。乍雨歇亭皋。簾卷秋光。闌隈砌角。綻拒霜幾處。蓓深淺紅芳。應恨開時晚。伴風前、翠菊並香。曉來寒露嫩臉低凝。似帶啼妝。堪傷。記得佳人當時。怨別盈腮。淚粉行行。而今最苦。奈千里身心。兩處淒涼。感物成消黯。念舊歡、空勞寸腸。月斜殘漏。夢斷孤幃。一枕思量。

春從天上來

會寧府遇老姬善鼓瑟自
言梨園舊籍因感而賦此

吳 激

海角飄零。歎漢苑秦宮。墜露飛螢。夢裏天上。金屋銀屏。歌吹競舉青冥。問當時
遺譜。有絕藝。鼓瑟湘靈。促哀彈。似林鶯嚶嚶。山溜泠泠。梨園太平樂府。醉幾
度春風。鬢變星星。舞徹中原。塵飛滄海。風雪萬里龍庭。寫胡笳幽怨。人憔悴。不
似丹青。酒微醒。對一窗涼月。燈火青熒。

曲玉管

柳永

隴首雲飛。江邊日晚。煙波滿目憑闌久。立望關河蕭索。千里清秋。忍凝眸。杳
杳神京。盈盈仙子。別來錦字終難偶。斷雁無憑。冉冉飛下汀洲。思悠悠。暗想
當初。有多少。幽歡佳會。豈知聚散難期。翻成雨恨雲愁。阻追游。每登山臨水。惹
起平生心事。一場消黯。永日無言。卻下層樓。

西河金陵懷古

周邦彥

佳麗地。南朝盛事誰記。山圍故國繞清江。髻鬟對起。怒濤寂寞打孤城。風檣遙

度天際。斷崖樹猶倒倚。莫愁艇子曾繫。空餘舊迹鬱蒼蒼。霧沈半壘。夜深月過女牆來。傷心東望淮水。酒旗戲鼓甚處市。想依稀。王謝鄰里。燕子不知何世。向尋常巷陌人家相對。如說興亡斜陽裏。

又和清真

陳允平

形勝地。西陵往事重記。溶溶王氣滿東南。英雄閒起。鳳游何處古臺空。長江縹緲無際。石頭城上試倚。吳襟楚帶如繫。烏衣巷陌幾斜陽。燕閒舊壘。後庭玉樹委歌塵。淒涼遺恨流水。買花問酒錦繡市。醉新亭。芳草千里。夢醒覺非今世。對三山半落青天。數點白鷺飛來。西風裏。

尉遲杯

周邦彥

隋隄路。漸日晚。密靄生深樹。陰陰淡月籠沙。還宿河橋深處。無情畫舸。都不管。煙波隔南浦。等行人。醉擁重衾。載將離恨歸去。因念舊客京華。長。偎傍疏林。

小檻歡聚。冶葉倡條俱相識。仍慣見。珠歌翠舞。如今向。漁村水驛。夜如歲。焚香
獨自語。有何人。念我無聊。夢魂凝想鴛侶。

秋霽

史達祖

江水蒼蒼望。倦柳愁荷。共感秋色。廢閣先涼。古簾空暮。雁程最嫌風力。故園信
息。愛渠入眼。南山碧。念上國。誰是膾鱸。江漢未歸客。還又歲晚。瘦骨臨風。夜
聞秋聲。吹動岑寂。露蛩悲。青燈冷屋。翻書愁上鬢毛白。年少俊游。渾斷得。但可
憐處。無奈苒苒魂驚。采香南浦。翦梅煙驛。

青門飲

曹組

山靜煙沈。岸空潮落。晴天萬里。飛鴻南渡。冉冉黃花。翠翹金鈿。還是倚風凝露。
歲歲青門飲。盡龍山、高陽儔侶。舊賞成空。回首舊遊。人在何處。此際誰憐萍
泛。空自感光陰。暗傷羈旅。醉裏悲歌。夜深驚夢。無奈覺來情緒。孤館昏還曉。厭

時聞南樓鐘鼓。淚眼臨風。腸斷望中歸路。

又

時 彥

胡馬嘶風。漢旗翻雪。彤雲又吐。一竿殘照。古木連空。亂山無數。行盡暮沙衰草。星斗橫幽館。夜無眠。燈花空老。霧濃香鴨。冰凝淚燭。霜天難曉。長記小妝纔了。一杯未盡。離懷多少。醉裏秋波。夢中朝雨。都是醒時煩惱。料有牽情處。忍思量。耳邊曾道。甚時躍馬歸來。認得迎門輕笑。

安公子

柳 永

遠岸收殘雨。雨殘稍覺江天暮。拾翠汀洲人寂靜。立、雙雙鷗鷺。望、幾點漁燈隱。映蒹葭浦。停畫橈、兩兩舟人語。道、去程今夜。遙指前村煙樹。遊宦成羈旅。短檣吟倚閒凝竚。萬水千山迷遠近。想、鄉關何處。自別後、風亭月榭孤歡聚。剛斷腸、惹得離情苦。聽、杜宇聲聲。勸人不如歸去。

解連環

周邦彥

怨懷無託。嗟、情人斷絕。信音遼邈。縱妙手、能解連環似、風散雨收、霧輕雲薄。燕子樓空、暗塵鎖、一牀絃索。想移根換葉、盡是舊時、手種紅藥。汀洲漸生杜若。料舟移岸曲、人在天角。漫記得、當日音書、把閒語閒言、待總燒卻。水驛春回、望寄我、江南梅萼。拚今生、對花對酒、爲伊淚落。

夜飛鵲

周邦彥

河橋送人處。涼夜何其。斜月遠墜餘輝。銅盤燭淚已流盡。霏霏涼露沾衣。相將散離會。採風前津鼓。樹杪參旗。花驄會意。縱揚鞭、亦自行遲。迢遞路、同清野。人語漸無聞。空帶愁歸。何意重紅滿地。遺鈿不見。斜徑都迷。兔葵燕麥。向斜陽、欲與人齊。但徘徊班草。欵欵醉酒。極望天西。

惜黃花慢

田 爲

雁空浮碧。印曉月、露洗重陽天氣。望極樓外，淡煙半隔疎林，掩映斷橋流水。黃
金籬畔，白衣人，更誰會。淵明深意。曉風底。落日亂鴻，飛起無際。情多對景淒
涼。念舊賞、步屐登高迢遞。興滿東山，共攜素手持杯。勸泛玉漿雲蕊。此時霜鬢
欲歸心，漫老盡、悲秋情味。向醉裏，免得又成憔悴。

一萼紅

姜夔

丙午人日子客長沙別駕之觀政堂堂下曲沼沼西負古垣有廬橋幽
篁一徑探曲穿徑而南官梅數十株如椒如菽或紅破白露枝影扶疏
著屐蒼苔細石間野興橫生亟命駕登定王臺亂湘
流入麓山船雲低昂湘波容與興盡悲來醉吟成調

古城陰。有官梅幾許，紅萼未宜簪。池面冰膠，牆腰雪老，雲意還又沈沈。翠藤共
閒穿徑竹，漸笑語、驚起臥沙禽。野老林泉，故王臺榭，呼喚登臨。南去北來何
事，蕩湘雲楚水，自極傷心。朱戶黏雞，金盤簇燕，空歎時序侵尋。記曾共、西樓雅
集。想垂楊、還嫋萬絲金。待得歸鞍到時，只怕春深。

奪錦標七夕

張 埜

涼月橫舟，銀河浸練，萬里秋容如拭。冉冉鸞驂鶴馭，橋倚高寒，鵲飛空碧。問芳情幾許，早收拾、新愁重織。恨人間、會少離多，萬古千秋今夕。誰念文園病客。夜色沈沈，獨抱一天岑寂。忍記穿鍼亭榭，金鴨香寒，玉徽塵積。凭新涼半枕，又依稀、行雲消息。聽窗前、淚雨浪浪，夢裏檐聲猶滴。

過秦樓

李 甲

賣酒鑪邊，尋芳原上，亂花飛絮悠悠。已蝶稀鶯散，便擬把、長繩繫日無由。漫道草忘憂。也徒將、酒解閒愁。正江南春盡，行人千里，蘋滿汀洲。有翠紅徑裏盈盈侶，簇芳茵、穠飲時笑時謳。當暖風遲景，任相將、永日爛熳狂遊。誰信盛狂中，有離情、忽到心頭。向尊前擬問，雙燕來時，曾過秦樓。

又

周邦彥

水浴清蟾。葉喧涼吹。巷陌馬聲初斷。閒依露井。笑撲流螢。惹破畫羅輕扇。人靜
夜久憑闌。愁不歸眠。立殘更箭。歎年華一瞬。人今千里。夢沈書遠。空見說、鬢
怯瓊梳。容消金鏡。漸懶趁時。勻染。梅風地溽。虹雨苔滋。一架舞紅都變。誰信無
聊爲伊。才減江淹。情傷荀倩。但明河影下。還看稀星數點。

蘇武慢

蔡 伸

雁落平沙。煙籠寒水。古壘鳴笳聲斷。青山隱隱。敗葉蕭蕭。天際暝鴉零亂。樓上
黃昏。片帆千里歸程。年華將晚。望碧雲空暮。佳人何處。夢魂俱遠。憶舊游、遠
館朱扉。小園香徑。尙想桃花人面。書盈錦軸。恨滿金徽。難寫寸心幽怨。兩地離
愁。一尊芳酒。淒涼危闌倚徧。儘遲留。憑仗西風。吹乾淚眼。

蘭陵王 柳

周邦彥

柳陰直。煙裏絲絲弄碧。隋隄上、曾見幾番。拂水飄絲送行色。登臨望故國。誰識

京華倦客。長亭路。年去歲來。應折柔條過千尺。閒尋舊蹤迹。又酒趁哀絃。燈照離席。梨花榆火催寒食。愁一箭風快。半篙波暖。回頭迢遞。便數驛。望人在天北。悽惻。恨堆積。漸別浦縈回。津埃岑寂。斜陽冉冉。春無極。念月榭攜手。露橋聞笛。沈思前事。似夢裏。淚暗滴。

又丙子送春

劉辰翁

送春去。春去人閒無路。鞦韆外。芳草連天。誰遣風沙暗南浦。依依甚意緒。慢憶海門飛絮。亂鴉過。斗轉城荒。不見來時試燈處。春去誰最苦。但箭雁沈邊。梁燕無主。杜鵑聲裏長門暮。想玉樹凋土。淚盤如露。咸陽送客。屢回顧。斜日未能度。春去。尙來否。正江令恨別。庾信愁賦。蘇隄盡日。風和雨。歎神游故國。花記前度。人生流落。顧孺子。共夜語。

瑞龍吟

周邦彥

章臺路。還見褪粉梅梢。試花桃樹。惜惜坊陌人家。定巢燕子。歸來舊處。黯凝
竚。因念箇人癡小。乍窺門戶。侵晨淺約宮黃。障風映袖。盈盈笑語。前度劉郎
重到。訪鄰尋里。同時歌舞。惟有舊家秋娘。聲價如故。吟牋賦筆。猶記燕臺句。知
誰伴、名園露飲。東城閒步。事與孤鴻去。探春盡是、傷離意緒。官柳低金縷。歸騎
晚。纖纖池塘飛雨。斷腸院落。一簾風絮。

大酺春雨

周邦彥

對、宿煙收。春禽靜。飛雨時鳴高屋。牆頭青玉旆。洗鉛霜都盡。嫩梢相觸。潤逼琴
絲。寒侵枕障。蟲網吹黏簾竹。郵亭無人處。聽檐聲不斷。困眠初熟。奈愁極頻驚。
夢輕難記。自憐幽獨。行人歸意速。最先念、流潦妨車轂。怎奈向、蘭成憔悴。衛
玠清羸。等閒時、易傷心目。未怪平陽客。雙淚落、笛中哀曲。况蕭索、青蕪國。紅糝
鋪地。門外荆桃如菽。夜游共誰秉燭。

浪淘沙慢

周邦彥

晝陰重、霜凋岸草。霧隱城堞。南陌脂車待發。東門悵飲乍闋。正拂面、垂楊堪攬結。掩紅淚、玉手親折。念漢浦離鴻去何許。經時信音絕。情切。望中地遠天闊。向露冷風清無人處。耿耿寒漏咽。嗟萬事難忘。惟是輕別。翠尊未竭。憑斷雲、留取西樓殘月。羅帶光消紋衾疊。連環解、舊香頓歇。怨歌永、瓊壺敲盡缺。恨春去、不與人期。弄夜色、空餘滿地梨花雪。

鷓鴣

晁元禮

晚雲收、淡天一片琉璃。爛銀盤、來從海底。皓色千里澄輝。瑩無塵、素娥淡佇。靜可數、丹桂參差。玉露初零。金風未凜。一年無似此佳時。露坐久、疏螢時度。烏鵲正南飛。瑤臺冷、闌干凭暖。欲下遲遲。念佳人、音塵別後。對此應解相思。最關情、漏聲正永。暗斷腸、花影偷移。料得來宵。清光未減。陰晴天氣又爭知。共凝戀、

如今別後。還是隔年期。人強健。清尊素影。長願相隨。

多麗

西湖泛舟夕歸。施成大席上。以晚山詩爲起句。各賦一詞。

張 翥

晚山青。一川雲樹冥冥。正參差、煙凝紫翠。斜陽畫出南屏。館娃歸、吳臺遊鹿。銅仙去、漢苑飛螢。懷古情多。憑高望極。且將尊酒慰飄零。自湖上、愛梅仙遠。鶴夢幾時醒。空留得、六橋疏柳。孤嶼危亭。待蘇隄、歌聲散盡。更須攜妓西泠。藕花深、雨涼翡翠。菰蒲軟、風弄蜻蜓。澄碧生秋。鬧紅駐景。採菱新唱最堪聽。見一片、水天無際。漁火兩三星。多情月、爲人留照。未過前汀。

六醜

薔薇謝後作

周邦彥

正、單衣試酒。悵客裏、光陰虛擲。願春暫留。春歸如過翼。一去無迹。爲問家何在。夜來風雨。葬楚宮傾國。釵鈿墮處遺香澤。亂點桃蹊。輕翻柳陌。多情爲誰追惜。但、蜂媒蝶使。時叩窗隔。東園岑寂。漸、蒙籠暗碧。靜繞珍叢底。成歎息。長條故

惹行客。似牽衣待話。別情無極。殘英小。強簪巾幘。終不似、一朵釵頭顫。向人敬側。漂流處、莫趁潮汐。恐斷紅、尚有相思字。何由見得。

六州歌頭

張孝祥

長淮望斷。關塞莽然平。征塵暗。霜風勁。悄邊聲。黯銷凝。追想當年事。殆天數。非人力。洙泗上。絃歌地。亦殫腥。隔水氈鄉。落日牛羊下。區脫縱橫。看名王宵獵。騎火一川明。笳鼓悲鳴。遣人驚。念腰間箭。匣中劍。空埃蠹。竟何成。時易失。心徒壯。歲將零。渺神京。千羽方懷遠。靜烽燧。且休兵。冠蓋使。紛馳騫。若爲情。聞道中原遺老。常南望、翠葆霓旌。使行人到此。忠憤氣填膺。有淚如傾。

又

韓元吉

東風著意。先上小桃枝。紅粉膩。嬌如醉。倚朱扉。記年時。隱映新妝面。臨水岸。春將半。雲日暖。斜陽轉。夾城西。草輦沙平。驟馬垂陽渡。玉勒爭嘶。認蛾眉。凝笑臉。

詞

範

卷下

五九

薄拂胭脂。繡戶曾窺。恨依依。共攜手處。香如霧。紅隨步。怨春遲。消瘦損。憑誰問。只花知。淚空垂。舊日堂前燕。和煙雨。又雙飛。人自老。春長好。夢佳期。前度劉郎。幾許風流地。也自應悲。但茫茫暮靄。目斷武陵溪。往事難追。

夜半樂

柳 永

凍雲黯淡天氣。扁舟一葉。乘興離江渚。度萬壑千巖。越溪深處。怒濤漸息。樵風乍起。更聞商旅相呼。片帆高舉。泛、畫鷁翩翩過南浦。望中酒旆閃閃。一簇煙邨。數行霜樹。殘日下。漁人鳴榔歸去。敗荷零落。衰楊掩映。岸邊兩兩三三。浣紗游女。避行客。含羞笑相語。到此因念。繡閣輕拋。浪萍難駐。歎後約丁寧竟何據。慘離懷。空恨歲晚歸期阻。凝淚眼。杳杳神京路。斷鴻聲遠長天暮。

戚氏

柳 永

晚秋天。一霎微雨灑庭軒。檻菊蕭疏。井梧零亂。惹殘煙。淒然。望江關。飛雲黯淡。

夕陽閒。當時宋玉悲感。向此臨水與登山。遠道迢遞。行人淒楚。倦聽隴水潺湲。正、蟬吟敗葉。蛩響衰草。相應喧喧。孤館度日如年。風露漸變。悄悄至更闌。長天淨。絳河清淺。皓月嬋娟。思絲絲。夜永對景。那堪屈指。暗想從前。未名未祿。綺陌紅樓。往往經歲遷延。帝里風光好。當年少日。暮宴朝歡。况有狂朋怪侶。遇當歌對酒。競留連。別來迅景如梭。舊游似夢。煙水程何限。念、利名憔悴長縈絆。追往事、空慘愁顏。漏箭移、稍覺輕寒。漸烏咽。畫角數聲殘。對、閒窗畔。停燈向曉。抱影無眠。

詞範卷下終



西

河

詩

詞

話

清毛奇齡著
二角

蕭山毛大可先生，生丁明清之交，苦學博覽，以逮晚歲，著作等身。其詩話、詞話、雖出諸

緒餘，而見解尤為精卓，久

已騰譽士林，視為鴻寶。惜

單行本至為罕見，不無遺

憾。今從四河合集中抽付

校印，訂正訛誤，益臻精善。

詞

清徐
鈞著

苑

叢

四角

談

二角

藝概

劉熙載著

批評也。惜版刻罕傳，蒐求為難，本店因取同治癸酉原本精校印行，藉揚前烈。

與比劉融齋先生，為前清成豐

同治間文壇著宿，所著有文概、

詩概、賦概、詞概、書概、經義概、

各一卷，合稱藝概，於我國固有

文藝之甘苦美惡，剖析至當。合

而觀之，實即完整之中國文藝

詩

數

五角

明胡應麟著

有明歸餘胡元瑞先

生，一代學人，擅詩

才，亟為王弼州所稱

賞，置諸五子之列。其

評詩尤具隻眼，有詩

數三編，凡十六卷，談

詩者爭相引重焉。願

附刻於少室山房筆

叢之後，絕鈔單行，且

多譌奪，本店特取付

校印，糾正舛訛，益亦

足為藝林之一助乎。

開明書店印行

民國廿五年九月初版發行

實價國幣三角

(外埠酌加寄費)

詞 範



有著作權不准翻印

選者 楊 易 霖

發行者 上海福州路開明書店 章 錫 琛

印刷者 上海梧州路三九〇號 美成印刷公司

總發行所 上海福州路七〇二五七四八開明書店

分發行所 廣州惠愛東路 漢口交通路 南京太平路 長沙南陽街 北平楊梅竹斜街 開明書店分店

本書已照著作權法呈請內政部註冊

